

7.204




PSAUTIER
DE LA STE.
VIERGE



RÉSERVE







D.⁸ 5774. Res -

Juv. 7204 -

- 1^o le psautier de la V. S. Vierge
Marié par S. Bonaventure
= Paris, Barbier 1504, 1509
- 2^o Ses Devotes Louenges à la Vierge
Marie (par Martial de Paris)
Paris, Ignace Vostre 1509.
- 3^o & instruction d'un jeune prince
Paris, Michel Senon 1517. x

vau R⁶ 4^o 17.





L'instruction d'ung ieū

ne prince pour ce bien gouverner enuers dieu
 & le monde nouuellement imprime.



Cum gratia & priuilegio.



Rancors par la grace de dieu
roy de france au preuost de pa
ris seneschal de lyon et baillif
de rouen et a tous noz autres
iusticers et officiers ou a les^r
lieutenans ou a chascun deulx
sicomme a luy appartiendra salut et dilection
Receue au des l'able supplication de nostre cher
a bien arme Michel le noir libraire iure de no
st^re Vniuersite de paris. T^otenant quil a fait
dresser / corriger / a mettre en forme deue asses
grans fraiz et mises. Le liure appelle les passa
ges doultre mer fait par les fr^{anc}coys contre les
turcs a moresoultre marins / Le petit saicte
Guerin de montglaue / et l'instruction d'ung ieu
ne prince. Lesquelz liures ledit exposat a int^{en}
ti^on faire imprimer pour soy re^{em}bourser des fraiz
et mises quil a faiz a faire dresser / escrire / et
corriger lesditz liures / mais il doubte que inc^o
tin^{et} apres quil les aura fait imprimer aucuns
libraires ou autres voulsissent faire iceulx li
ures imprimer. Et par ainsi ne pourroit reti
rer les fraiz et mises quil luy a conueni et co
uiendra faire tant pour auoir fait dresser / cor
riger et escrire / que pour le papier et impres
sion diceulx. Surce requerant humblem^{en}t nos

estre prouisiō. Pource est il que nous ses choses
consideres incliant liberallement a la supplic
cation dudit michel le noir. A icelluy pour ses
causes & autres a ce nous mouuans a vous per
mis et octroye. Perumectons et octroyons de
grace especial par ces presentes quil le puisse
a luy soit loisible Imprimer ou faire imprimer
lesditz liures dessus metiōnes iusques a trois
ans prochainement venans. a compter du ior
et dacte que lesditz liures serōt imprimez sās
ce que durant ledit temps aucuns libraires im
primeurs ne aultres puissent iceulx liures im
primer ou faire imprimer ne vendre. Si vous
mandons et comectons par ces presētes que
de noz graces pmission et octroy vous faictes
souffrez & laissez ledit suppliāt ior & user plai
nement et paisiblement/en faisant ou faisant
faire a tous libraires imprimeurs & aultres ex
presse inhibition & deffēce de par nous sur cer
taines et grandes peines auons a applicquer
et de confiscation desditz liures/ que durāt les
dit temps desditz trois ans nayēt a imprimer
lesditz liures. Car aisi nous plaist il estre fait
Nonobstāt q̄lcōqs lettres subreptices a ce con
traire mādōs & comādōs a tous nos iusticiers
officiers & subiectz q̄ a vous en ce faisant soyēt
obey. Donne a Rouen le .xii. iour daoust. Lan

de grace mille cinq cens dixsept. Et de nostre
regne le troisieme. Par le Roy a la relat iõ du
conseil.

Maillart.

C Le commencement la table du liure intitule Lin
structiõ dung ieune prince pour se bien gouuer
ner enuers dieu & le mode. Et cõtient huit cha
pitres/qui cy apres sensuyuent.

Le premier chapitre.

Le premier chapitre enseigne comme ung ieu
ne prince doit sur toutes choses craindre dieu
qui luy a dõne auctorite & seigneurie sur le peu
ple.

Le second.

Le second chapitre parle cõment princes & grã
seigneurs q ont le peuple a gouuerner doiuent
viure attrẽpeement. & metre paine dauoir en
eulx bonnes meurs & profitables.

Le troisieme.

Le troisieme chapitre parle du bien & du prouf
fit qui vient aux princes terriens quãt ilz gou
uernent eulx & leurs subiectz par raison & iusti
ce.

Le quatriesme.

Le quatriesme chapitre enseigne de qlls meurs
estat ou conditions princes et grã seigneurs
doiuent eslire leurs cõseilliers & officiers prin

ci paulx.

Le cinquiesme.

Le cinquiesme chapitre parle comment Roys et grans seigneurs doiuent auoir grant regart sur leurs officiers & seruiteurs affin quilz ne facent chose contre raison ne au dommaige ou deshonneur deulx ne de leurs subiectz.

Le sifieme.

Le sifieme enseignent aux princes que pour la reuerence de dieu & lamour quil doiuent auoir a leurs subiectz se gardent dentrepren dre guerres contre chrestiens.

Le septieme.

Le septiesme que diligemēt il se doiuent entēdre ala cōduite & gouuernemēt de leurs fināces

Le huitiesme.

Le huitiesme & dernier chapitre parle de lors dre & estat de cheualerie & comment on le doit entendre.

Cy fine la table.

Prologue sur le liure de linstruction dung ieus ne prince a se biē gouuerner enuers dieux le mōde.

Epur acquerir honneur & bonne renommee vng baillant cheualier des marches de picardie se troya iadis es parties es de prusse & de lifland. Et tant y fut que luy sembla q par hōneur sen pouoit departir. Si

Indra en mer au port de daurich en prusse po
retouruer en sō pays. Mais sur la mer luy prie
Vng si grāt et horrible tourment que pour saul
uer sa vie luy & sa nef conuist arriuer ouroyaul
me de norueghe au port de mastaut q̄ est vng
lieu a presēt desert et mal habite de gens / ia
roit ce que anciennement on treuve es cronic
ques qui furent si habondās en peuple que p
leur force & puissance ilz conquirent le pays de
normandie. et en ce port de mastaut en atten
dant vent prouffitable demoura ledit cheual
lier vng grant espace de temps. Durant le q̄l
il alla vng iour visiter vne petite priore assez
pres de ce port fondee en l'honneur et reuerence
de monseigneur saint olphe: qui est vng saint
fort reqs et aoure oud royaume de norueghe
Or aduint que en luy pourmenāt par ceste egli
se son clerc qui bien scauoit la lāgue du pays re
garda au creus d'ung mur ou il trouua vng cop
et de parchemin escript en mauuaise lettre et
effacie. Lequel copet il leut au mieulx q̄ peut
Et quant il leut leu il dist a son maistre quil
auoit trouue vng extraict de cronicques cōme
il luy sembloit ou quel selon son aduis auoit de
beaulx enseignemens. A donc le cheualier luy
commanda quil le translatast d'alleman en fran

cors dont il se excusa pour ce quil nentendoit
pas bien au bray le langage ⁊ que la lectre est
soillie ⁊ plaine que a grant peine le pouoit on
lire et que bonnement ne le scauoit translater
quil ne fust moult incorrect / neantmoies pour
obeyr il translata au mieulx quil peut. Et ain
si en passant temps en la parfindieu leur euoy
a si bon vent quen peu de temps apres ilz arri
uerent sauuement au pays de flandres / et cō
tenoit ledit coper ce qui sensuyt. Lan mil deux
cens. trente ⁊ vng. Apres la mort du baillant
Roy Ruthgheer qui tant fut preudhomme cre
mu ⁊ redoubte / regna son filz Ollerich / beau
prince / hardi aux armes / homme de beau ps
sonnage / gracieulx entre dames / lequel eut
moult de guerres en son temps. A loccasion de
quoy ⁊ de son legier gouuernement voluntai
re il traueilla ses subiectz en maintes manie
res / dont il estoit fort blasme ⁊ repris des preus
dhommes de son royaume. Et enuiron laage
de trête ans / il se maria a vne dame nommee
luthegart fille au roy de polaine / dame nota
ble / saige gracieuse / ⁊ de belles meurs / de la q̃l
le il eut plusieurs enfans / dont laisne fut nom
mez Rodolph / qui en son temps fut bon prince /

et droicturier bien ame de ses subietz et regna
moult noblement. Or aduint que vne moult
griefue et aspre maladie survint au roy olerich
son pere tellement que les maistres ne scauoy-
ent donner conseil. Durant laquelle maladie
vng cheuallier preudhomme bien renomme son
subiect nomme foliant de ional qui en son tēps
auoit seruy le roy ruthegheer son pere et pareil-
lement le roy olerich long espace de tēps/mais
pource que le bon cheuallier foliāt deoit le des-
arroier de la cōduicte du roy olerich son maistre
et quil laissoit les voyes de raison et de iustice
et vsoit voulduntaiement du conseil des gens
vicieulx hayās le biē publicque: a loccasiō de ce
sestoit departy du seruyce du roy. Toutes-
foys quāt il sceut sa maladie luy quil aymoit
de tout son cueur ne se peut tenir quil ne le de-
nist deoir et visiter et tant feist quil vint en la
presence du roy lequel il trouua en son lit tres-
oppresse de maladie: dont moult luy despleut
doulcement et humblement le salua. Et quant
le roy le vit il en fut moult ioyeulx: et luy dist
ha mon bon amy foliant tu soyas le bien venu
ie te voy vouldentiers/ or pleust a dieu que par
cy deuant ie teusse creu/ car ie scay que moy et
tous mes affaires en vaulsissent myeulx en

corps et en ame / helas chier amy iendure paine merueilleuse et Roy bien que ma fin approche. Et apres ces parolles le Roy se confessa moult deuotement et de cueur contrict de tous ses pechez. Et lors son confesseur luy bailla absolution et luy chargea pour penitence quil priaist mercy a tous ses subiectz et ql enioindist a son filz rodolphe deuant tous quil voulsist estre apres luy bon prince et droicturier. Et quant le roy eut fine sa confession il appella son premier chambellan et luy commanda que sans faillir il fist le lendemain au matin a. viii. heures se dieu luy donnoit tant de Vie assembler et venir deuers luy toutes les gens deglise / nobles / et des gens de ses bonnes villes et de son peuple autant que recouurer on pourroit. Et pareillement rodolphe son filz et aussi tous ses conseilliers et officiers de quelcôques estat quilz fussent. lequel chambellan acomplit son commandement. Et quant vint au matin enuiron. ix. heures le roy qui auoit fait faire ung lict en la grant salle du palais se fist illec porter / car il estoit si griefuement malade que nullement ne se pouoit soubstenir. Et incontinent la grant salle fut si plaine de gens que a grant paine si pouoit on tourner. Et lors le Roy osterich qui

moult auoit la boiye casse & foible en la presens
ce de tous leur pria humblement pardon & mer
cy des'abus griefz & dommaiges que maintes
foys il leur auoit fait en son temps / et tantost
il fist venir deuant luy rodolphe son filz & autres
princes et grans seigneurs de son ost. Et illec
ordonna son testament par tresbonne maniere
entre autres choses il esleut sa sepulture en l'es
glise de mon seigneur saint olphe / adrioulphe
le en son royaume de norwueghe / en apres il
commanda a son filz sur quauques il auoit
et doubtoit & si chier quil auoit sa benediction
que apres luy voulsist estre bon prince et droi
cturier et quil gouuernast son peuple par rai
son et iustice / en luy priant sur toute loybeissan
ce et amour que bon filz doit auoir a son pere /
quil luy voulsist pmettre ceste chose / & le iurer
en sa main en la presence de tous ses barons / &
il en porteroit la paine de sa mort plus legiere
ment. La quelle chose rodolphe son filz luy acor
da liberalement & de bon cuer. Adonc le bais
sa le roy par grant amour / et puis luy dona la
benediction telle que pere doit faire a son en
fant au partir de ce siecle / & apres plusieurs pa
rolles dictes et proferees. Le roy sen va tourner
ses peulx vers tous ces seigneurs & barons q

la estoent assistans/ entre lesquelz y en auoit
vng especial nomme foliant de Gonal son an
cien seruiteur (du quel auons fait mention cy
dessus) et amiablement luy dist. J'ay trouue du-^{le fay}
rant mon temps preudhomme loyal seruāt/ nō
flateur sans couuoitise & sans corruption/ ap
mant honneur/ cheuallerie & le bien publique.
Je recongnoys cy & deuant dieu que ie ne tay
pas si grandement guerdonee comme tu las
desseruy. mais saiches de vray si ce nestoit dieu
mon createur de q̄ est le bon plaisir de me pren
dre maitenāt tu en series guerdonee. Mais se
dieu plaist mon filz ten recompesera et sen ac
quitera mieulx enuers toy que nay fait. Mon
chier amy ie te prie en mon dernier et te com
mande sur toute lamour que tu euz deques en
moy/ q̄ apres mon deces tu veilles mettre par
escript/ & bailler a rodolph mon filz po^r doctrine
la maniere/ moyen & pratique q̄ vng bon pri
ce auroit a tenir pour acquerir la grace de nos
tre sauueur Jhesucrist/ bonne renommee/ et
la vraye entiere amour de ses subiectz. Je me
confie tant en toy que tu ne luy bailleras cho
se par escript/ ne mettras au deuāt qui ne soit
a son honneur/ & prouffit de son ame. Adoncs
ques foliant se mist a genoulx en remerciant

tres humblement le roy de lonneur quil luy por
toit. et luy dist. Certes mon souuerain seigneur
ie ne suis pas digne ne suffisat de scauoir par
ler ne mettre par escript comme il appartient
en si haulte matiere. Mais pour obeyr a vostre
noble comandement i'en feray mon petit pouer
et dieu me doit grace de faire chose qui soit a
son plaisir a bien honneur et prouffit de Rodolphe
vostre noble filz et de tous vos bons subiectz.
Lors dit le roy. Mon filz ie te prie que adiouste
foy en ce que foliant de Honalte baillera par
escript. Et iasoit se quil ne soit pas clerc ne
apris de lettres/ il a qui autant vault ou plus
Car il est saige prudent de grant experiance et
qui moult a deu. Et apres ces parolles le bon
prince deuint par si foible: que de tout point
le cueur luy faillit de rechief. et cuideret tous
les assistens quil fut oultre/ mais assez apres
gecta ung sospir et iouingnit les mains vers
le ciel: et de voiz moult foible et casse: Il dist
ainsi. O filz/ regarde moy et prens exemple a
lestat ou ie suis de pset. qui aujourdhuy estoie
roy de trops royaumes riche puissant et acom
paigne de trete ou quarate mil hommes prestz
de accomplir mes commandemens. Helas mon
filz tout ce ne me pouoit valloir ne prouffiter.

Car mourir me couient. ie cognoisque au par-
tir de ce siecle ie n'emporteray si non mes biens
fais tant seulement. Et nauray chancelier/ ad-
uocat/ne procureur qui parle pour moy. Mais
moy dolent pecheur il me faudra respondre et
attendre telle sentence que nostre bon createur
Bouldra ordōner sur moy. Adoncques il sescria
de toute sa puissance en disant. O ihesus/ ihe-
sus/ apes mercy de moy. Lors son cōfesseur luy
feist moult de notables remōstrāces pour le sa-
lut de son ame. puis luy presēta la braye croiz
et luy mist sur sa bouche. lequell la baissa & rebai-
sa moult deuotemēt. Et qui plus ē/ la prinst en
tre ses bras/ & sans mot dire fina le bon Roy sa
vie. Et quant sa mort fut sceue/ il nest bouche
d'homme qui sceust dire le merueilleux dueil q
lors fut mene de tous. Certes Rodolph sō filz
en faisoit tant q cestoit pitie a veoir. Et le bō
preudhomme foliāt de Gonale estoit si formēt
trouble q ne pouoit mot dire. & en larmoiēt tē-
dremēt des peulx/ prioit dieu deuotemēt pour
lame du roy. Mais durant ce dueil le corps fut
richement enbasme & enseuely/ et mis en ung
sarceul de plomb. comme en tel cas appartient.
Puis apres les princes et barons de lost vin-
drent deuers Rodolph qui moult humblement

et tous dune voiz / luy presenterent a faire ho
maige & le servir ainsi que bons & loyaux sub
iectz s'ot ten^{re} de faire a leur souuerai seigneur
De quoy illes merçya de bon cuer. Mais au re
gart de son couronnement : il leur dist quil vou
loit delayer iusques a tât q'l eust rapasse la mer
Et a loccasion de la mort du roy son bon pere.
il rompit son armee. Mais il desloia son ost en
tresbelle ordonnance / & tant cheuaucheret quilz
vindrent sans auoir aucun empechemēt au pa
ys de lifland ou la nauire les attendoit. Et as
pres se quilz furent mōtes sur mer en asses bri
ef de temps / apres il arriuerent sauuiement au
royaulme de norwège esportz de maistrāt dōc
il est ple cy dessus. & ileqs les princes & la plus
grant partie de la cheualerie de ses royaulmes
prinrēt congie de Rodolph. & sen retourna cha
cun en sa contree. & au regart de foliant de Ho
nal son ancien seruiteur / il luy commanda qui
ne laissat en nulle maniere quil ne aporast au
iour de sō courōnemēt les enseignemēs & doctri
nes / de quoy le roy son pere le charga a sa mort
la qlle chose il desiroit bien a voir. & apres ce q
le preudhomme foliāt fut arriue en son hostel.
et si fut vne espace repose / il pensa maintesfoe
ys de iour & de nuit au commandemēt & requē

ste que le roy Ollerich son maistre luy fist son
trespas. et aussi apres rodolph son filz. et apres
moult dymaginations et pēsees surce eues en
la parfin. il conceut en soy vne doctrine que se-
lon bon sens & entendemēt luy sembla estre ne-
cessaire & prouffitāble pour enseigner & endo-
ctriner vng ieune prince et se bien gouuerner
enuers dieu & le mōde. la quelle doctrine il cō-
print en .viii. chapitres qui ce apres sensuyuent.

Ccy fine le prologue de ce liure intitule l'in-
struction d'ung ieune prince pour ce bien gous-
uerner enuers dieu et le monde. Et contient
huyt chapitres parciaux comme il apperra en
la deduction de ce petit traictie.

Commēt vng ieune prince doit sur toutes cho-
ses cremir dieu: q̄ luy a dōne auctorite & seigneu-
rie sur le peuple.

CPremier chapitre.



Remit dieu est le premier cō
mandement de sapience. Car
celuy quil aime ⁊ creint est fer
me en foy / obeyssant a leglise /
et garde estroictemēt ses coms
mandemēs ⁊ se conduit en en
supuant la doctrine quil nous a enseigne ⁊ re
monstes par ses saintes euangiles. Vng prin
ce qui craint dieu ⁊ maintient iustice se peult
confier en la parolle de saint pol ou il allegue
Se dieu est avecq̃s nous / q̃ nous pourra nuy
te ne resister contre nous. Or de ce nous auōs
exemple de nostre premier pere Adā / le quel
apant oublie la crainte ⁊ cōmandemēt de dieu
Usa de son propre boulloir / ⁊ delaiissa la parolle
⁊ monitiō que dieu luy auoit faict. Et pour ce
ste cause il cheut en grans pourtez ⁊ en plusi
eurs miseres. ainsi quil est tesmoigne par mō
sieur saint Augustin en sa vi tte cinquiesme o
melie sur leuangle saint Jeshu. Et cecy ⁊ au
tres choses veues. il me semble quil est biē rai
son ⁊ decēt que vng seruiteur obeisse ⁊ craigne
son maistre et consequenment la creature a di
eu car si vne personne ayne bien aucune pers
sonne il craint de luy offencer en aucune cho
se / et la personne offencee de son amy est beau

coup plus offence et le porte plus mal que si son
ennemy lauoir offence. Par quoy le ieune qui
desire a auoir et acquerir honneur doit sur toutes
choses cremir dieu entant que dieu l'ayme
comme son propre enfant hereditaire et luy doit
obeir en ses commandemens sur peine de mort
eternelle/ et a ce propos ballere en son second
liure au second chapittre/nous baille une similitude
en disant que anciennement les cheualiers
liens obeissoient aux princes sur peine de mort
et ceste obeissance venoit de crainte/ pource que
les princes estoient leurs superieurs. Dont
par plus forte raison le cheualier doit a dieu
le pere tout puissant donner plus de crainte et
de obeissance/ car comme dit l'escripture nous
deuons plus obeir a dieu que aux hommes et
se le cheualier obeist aux princes se doit estre
pour l'amour et crainte de dieu qui dit en l'espi
rit de principes subditi estote in omni timore
dei/ cest adire/ Vous cheualiers et autres gens
soyez subiects et obediens aux princes en la
crainte de dieu. Semblablement aussi nous
voyons que les mouches a miel en crainte obeys
sent a leur roy et le seigneur quelque part qu'il
aille en ensuyuant son commandement voulon
taire par plus forte raison Vous ieune cheualier

lier qui auez entendement naturel & les peulx
esleuez en hault pour cōtempler les faitz & oeu
ures de dieu deuez en crainte faire et acomplir
son commendement et se aisy le faictes vous
serez garenty et deliure de plusieurs perturba
tions. Ne lisons nous pas commēt noe crains
gnist dieu et en le craignant luy obeist tres p
slement / comme il appert au septiesme liure
chapitre de genese / et pourtant il fut garenty
du deluge. Pareillement les enfans d'israel et
pour la cremeur & obediace quilz eurent a die
eu furent gardez et preseruez de mort et de dā
giers / cōme il est escript au neeuuiesme cha
pitre du liure des nōbres. Consequēmet abrah
ham cremit & obert a dieu entant que son pro
pre enfant. Il vouloit sacrifier et de coller au
commendement de dieu comme il nous est de
tifie au vingdeupiesme chapitre de genese
Qui fut la cause q̄ ionas tresbucha en la mer.
si non faulte de crainte de dieu / car il doubta
aucunement a faire le commandemēt de dieu
Cōme il est escript au tiers chapitre de lesp
tre dudit ionas. Pareillement le ietne cheual
lier se doit remembrier de la crainte que bellos
phon eut de offencer son pere / Vous deuez sca
voir / quen grece eut anciennement ung puep

sant priuce qui grant tenement auoit et estoit
apelle pricus. Le roy pricus eut vng filz tel et
si adroit que soubz le soleil nauoit son pareil/
en sens surmontoit salomon/en force sanson/et
en beaulte absalon. Iceulx filz eut non bellorophon/sa mere mourut/parquoy pricus son pe-
re se remaria/et prist a femme vne damoyelle
nommee scenoble/folle estoit/mal aprise/plai-
ne de forcennement et de raige/car elle ayma
bellorophon son fillastre/et le requist de folle a-
mour. Bellorophon qui saige et prudent estoit/
refusa dout elle eut tel dueil que a peu de chos
se ne sortit hors du sens. Et commença a pen-
ser comment et par quelle maniere sen pourroit
venger. Lors se descheuela et esgrataigna son
vialeire/et se rompit sa robbe. Et en se point se
vint plaindre a pricus son mari de bellorophon
son filz/et luy feist accroire que viollee lauoyt a
force. Quant pricus veit son espouse sanglante
et entendit sa plainte/bien cuyda que ce fust ve-
rite quelle dist/et la rapaisa moult ampa-
blement/en luy disant/mamye ne vous chaille/
car ie vous promet que il se repétira/et en eut tel
dueil q peu sen faillit ql ne forcenna/et plus en
eut de despit q se fut vng estranger et en son cuer
pessoit quil feroit de son filz sil locciroit/ou sil

lenuoyroit en epil en la fin se pensa q en la terre de cecille auoit vne beste moult fiere & horrible cestoit vng monstre a triple forme conuersant en vng desert / lequel auoit destruit tout ledit royaume et mys a perdition il auoit teste et poitrine de lyon ventre de vil bouc puant et queue de serpent. La enuoya pricus son filz pour le faire occire. Mais bellorophon fut pieux et baillant a larde de dieu combien que ledit bellorophon fust payement victoire / et occist ceste cruelle & dommaigeuse beste / parquoy de puis gaigna le cheual volable de pegasus. Le qil porta par lair volat en plusieurs diuers lieux esquelz il fist de grandes baillances / comme il appert au quart liure de methamorphose dont il appert que crainte de offencer son pere / cest adire / dieu luy fist acquerir et gagner iceles victoires. Ainsi est il des aultres qui ont dieu en crainte et reuerance. Ce neantmoins mon souuerain seigneur pource que ie ne suis pas clerc ne apprens de lettres et que mon estat ne appartient pas de guerres auant parler en si hautes matieres ie vous cõseille pour le salut de vostre ame. Vous deuemet introduire en nostre sainte foy chrestienne / et que vous faciez diligence de chercher par tous voz royaumes

Un notable clerc de bonne vie et sainte / non
flateur / pour vous endoctriner & enseigner com-
me a bon prince et catholique et chrestien ap-
partient. Car ou flaterie resgne ne a droit ne
iustice / mais tout malheur & meschanceste / de
flaterie ne peut venir que mal / comme il ap-
pert / au second liure de ouide / decors qui par
flaterie fut accuse si quelle mourut p icelle ac-
cusation. Et pour desclairer comment il est as-
sauer qu'en tessalye eut iadis vne belle pucel-
le et plaisante / nee de la cite de larisse / nommee
coroms / qui alors auoit vng blac oyseau nom-
me corbeau. Lequel ayra premirement phebus
Lequel phebus ayra par amours ladicte coroms
cestuy oyseau apparceut vng iour coroms. Sa da-
me qui du ieu damours sesbastoit mains que
honnestement avecques vng aultre que son mai-
stre / phebus si se mist a chemin pour aller hasti-
vement dire a phebus la nouuelle de ce quil au-
roit veu. Et de fait luy dist quil auoit veu cor-
oms sa mye gesir avecques vng autre damoyse
De celle nouuelle fut tant dolent phebus / que
a peu quil ne forcena. Altendit et benda son
arc et tira contre coroms / sa mye qui grosse e-
stoit de luy quil assena ou pis. Et elle sentant
le coup mortel commença a crier en hault / disant

Hee mon trescher amy phebus ie pers par vo
la vie et combien que lauope assez de seruy en
faulxant noz amours. Mais certes ais mestoit
que point ne deussiez auoir este si hastif de pre
dre si grieve pugnitiō/ains deussiez auoir at
tendu que deliuree fuisse du fruit de vie quen
moy aues engēdie. Or en auez occis deux dūg
seul coup dont lung estoit innocent. Quāt phe
bus loyssi piteusement compl aindie pitie luy
en print et se repentist et blasma de sa hastiue
vengeance grant dueil en fist/mais de ce ne se
scauoit a qui predr̃e fors au corbel qui les mau
uaises flateresses nouuelles luy auoit rappor
tees. Le corbeau qui guerdon et merite de phe
bus attendoit pour la nouuelle a luy rapportee
fut par son courroux dechasse de luy/et en
signe de douleur luy mua ses blāches plumes
en noires en signe de douleur et le ordōna des
lois phebus porteur et anonceur de mauuaises
nouuelles. Et ainsi en prent aux flateurs et
adulateurs/et est mal faict a vng price souffrir
ny ēdurer flateurs autour de luy.pource deulx
dire que le bon cheualier ne doit croire rap
port qui luy soit faict par flaterie. Et a ce pro
pos dict le philosophe hermes/vng flateur rap
porteur ou cōtrouueur de fauces nouuelles ou

mēt a celui a qui il les rapporte/ou il est faulx
a celui de qui il les dit. ¶ On ne doit mainte
nant relupre en biēs et honneurs si non les fla
teurs qui sont au tour des princes/qui est vne
tresmauuaise chose/ & vng monstre moult pes
rilleux a veoir & regarder au tour des admini
strateurs du bien publicque. Aduint vne fops
que Diogenes qui estoit grant philosophe/ et
qui auoit gouuerne denys le tyrant ce pendāt
quil n'estoit point encores mauuais/ l'auoit la
poree quil voloit mēger a disner. Et ce voitāt
vng homme nomme Aristipus luy dist en ce
ste maniere. ¶ Diogenes se tu vaulsisses flas
ter & entretenir denys le tyrant/ tu ne fusses po
int en telle misere ne en telle pouurete comme
tu es. Et lors le dit diogenes luy respandit en
telle facon. ¶ Aristipe si tu vaulsisses endurer
et prendre en patience ma pouurete tu ne fus
ses mpe flateur comme tu es. mais nonobstāt
me deulx arrester sur ce passaige/ et parleray
de metellus/ du quel racompte Valere en son
vi. liure a dit depuis quil fut ne iusques a
la fin de ses iours il fut moult fortune exce mō
de. il eut femme tres chaste habundante en en
fans/ & plusieurs aultres fortunes/ il hayot les
flateurs & ne vouloit iamais croire leur cōseil

Et se iay dict dessus non flateur / ce nest pas
sans cause. car aultre chose est de adresser vng
jeune prince aux aultres grans seigneurs qui
nont aultre correctiō sur eulx / si non la cremeur
de dieu & leur propre conscience seulement que
daultres simples personnes subiectez aux cor-
rections des droys / loys & coustumes des pays.
et de qui on pouoit auoir raison et iustice trop
plus legierement que d'ung prince ou grant sei-
gneur qui ne la font comment on doit de pres-
sent en plusieurs lieulx / se non quant il leur
plaist. Helas considerons en nousmesmes en
quelle desplaisance & amertume de ceur viuēt
subiectz qui sont gouuernes / ou ont a marcher
a princes filz ne craignent dieu. car la cremeur
de dieu est le frain et la bride qui retient prin-
ces & tous puissans hommes de mal faire / & les
ramaine au chemin de raison & de iustice.

Le second chapitre.

Commēt princes & grās seigneurs
qui ont peuple agouuerner doiuent viure attrē-
peemēt / & mettre paine dauoir en eulx bonnes
meurs & proffitables.



De constituer en bones meurs
est le premier commandement
des loix. Car ceulx qui ont le
peuple a gouverner & la iustice
a maintenir. iacoit se quilz eus
sent sens & cler entendemēt en
plusieurs choses. Touthors silz sōt viciēulx
& desordonnez en leur estat et maniere de vi
ue / ilz en sont de tous mains honorez & prisez.
Car raison heult et enseigne que princes qui
ont laconduicte du peuple soient de si belles

à bones meurs vie si honnestes & atrempees que
tous y pussent prendre exemple. Ung prin-
ce qui souuerainemēt tend à bone renommee
et à la gloire de paradis en fin doit prēdre pei-
ne d'auoir en luy les quatre vertus cardinaulx
Cest assauoir prudence / iustice / continance / &
force / que aucuns nommēt magnanimité haulte
tesse de cuer / ou force de couraige. ¶ Par le
moyen desquelles vertus & de braye foy en ihe-
suschrist la creature peut rendre à dieu son ame
pure et nette ainsi qui luy a prestee & acquerir
bonne renommee en ce monde. Et pour parler
de ses vertus / prudence est la premiere nomēee
et est la fontaine dont sourdēt toutes bonnes
meurs / elle a en foy qui bien le cōsidere les ver-
tus de lame / cest assauoir foy / esperāce / et char-
rite. Et selon nostre langue prudēce vault au-
tant à dire que sēs parfait ou cler entendemēt
par le moyen delquoy avec la grace diuine nos
predecesseurs ont eut parcy deuant congnoissan-
ce que iesuschrist est vray dieu tout puissant et
parfait et qui l'endoit croire & obeyr à ses saictz
commandemens doctrine et eglise chrestienne
Prudence est le mirouer cler et luyfant ou tou-
te creature se peut veoir / et qui bien se myre il
congnoist ces deffaultes et doit ce q̄ luy messiet

et dont il peut estre blasme et repris. Nous li
sons aux gestes de france comment ung Roy ia
mais ne voullloit croire ne user de conseil / ne de
gens de bien ne de ses barons. pourquoy luy en
aduenoit souuent effors mal / et une foy entre
les autres en fut repris de l'ung de ses capitai
nes / et luy dist par ioyeuse que il estoit monte
sur ung cheual qui estoit moult fort et puissant
et le roy luy demanda pour quoy / et il respont q
il le portoit et tout son conseil / dont plusieurs se
prindrent a rire / combien quilz fussent marrez q
le roy ne voullloit auoir conseil que de luy mes
mes / et q parce leur en aduenoit plusieurs pe
rilz et domages. Aux anciennes hystories aus
si il est leu de sardanapalus lequel fut si effe
mine / quil ne voullloit auoir sinon le conseil des
femmes. Et de faict saissa tout le gouuernes
ment de son royaume a aucuns de ses princes. et
nul de eulx ne parloit a luy sinon par personne
interposee / et ne faisoit on rien si non par le con
seil des femmes. Si quil aduint que arbates q
estoit gouuerneur de sa guerre es parties de mes
de quant il veit tel fol conseil en fut moult cour
rouce / et aussi du gouuernement du roy et partit
de son ost / et feist tant ql vit iusqs a luy ce quil
nauoit oncques faict. et pla a luy gracieusement.

La pouure & velle matiere dont il est cree / le ri
uage ddt il est issu / ses vices & deffaultes. Sou
uent pensera la mort / a la gloire de paradis / &
a uis horribles tourmens denfer. Elle ayne
science & diligence / & iamais ne dist ne entre
ment chose que par auant naye empense & estu
die quelle fin il en peult aduenir. Il me semble
que le ieune prince doit plus estudier a estre pru
dent & saige / & a acquerir bonnes meurs & ver
tus que richesses. & ce propos dict saint Augu
stin en son cinquiesme liure de la cite de dieu /
allegue cathon au. xiii. chapitre. lequel disoit
que le bien commun de Rome auoit cōquis
plus de biens par bon conseil de gens prudens
& saiges que par force. Semblablement recite q
scipion disoit que le royaume naura ia bien au
quel ne resquerent princes prudēs saiges plais
de bonnes ments & vertueulx. Dultreplus ora
ce dict que le prince mal mougiue faict perir le
pays. Car comme dit claudien / le peuple faict
houlentiers comme leur prince. Comme dict
solinus en son. vi. liure. au. iiii. chapitre / le pri
nce doit estre meur prudent. saige & de bone vie
Valere raconte en son quatriesme liure au
troisiesme chapitre comment Artilius estoit la
boureux de troyes / & neantmoins pour sa bon

te & prudence il fut appelle & ordōne a estre em
pereur de romme / quant les princes par faulte
de prudence se gouuernerēt mal tous leurs sub
iectz & biens temporelz finerēt mauuaisemēt.
Ne lisons pas comment sedechias commanda
que on tuaſt hieremie le prophete. comme hies
remie dit en ſō. xxxviii. chapitre / pour la quel
le cauſe mauuiſement mourut. Dultre plus
manasses par faulte de prudence feiſt crier ſon
peuple / pourtant il fit pugny Roboen par im
prudence fut au peuple tres rigoureux & aspre /
parquoy ilz perdit ſon royaume / & ſa ſergneu
rie / comment il appert au tiers liure des roys.
Le prince doit estre touſiours par prudence
en vng estat comment eſt le ſoleil & nō pas di
minuer par folye ou incōſtance / ainſi qu'on doit
diminuer la lune / laquelle nareſte vne ſeuſte
heure en vng droit point / & donne influence de
muablete & folye. Quant au ſens allegorique
de cecy / nous notons la lune pour incoſtance
que ne doit auoir le ieune cheualier ou prince
car comme dit ſaict ambroise en leſpitre a ſim
plician / le ſol eſt muable comme la lune. mais
le ſaige eſt touſiours conſtant & en vng estat. il
neſt point brise par paour / il ne ſe mue point p
uiſſance / il ne ſe elieſue point en proſperite.

Il ne se p'onge point en tristesse la ou est prudence la est vertu force et constance. Le prudent est tousiours d'ung couraige il na petice ne ne croist pour mutation des choses il ne flotte point en diuerses oppinions / mais demeure parfait en ihesuchrist / fonde en charite / en racine / en foy. Et a ce propos dit la sainte escripture en leclesiaste vingt septiesme chapitre / ainsi que le soleil est permanent sans changer ne muet ainsi est l'homme prudent / et le fol est muable comme la lune. Si doit doncques le prince tander quil est ieune acquerir prudence & se aourner de bonnes meurs et honnestes / affin quil puisse au salut de son ame & au prouffit des esubiectz tenir sa seigneurie enpaix. Justice est la seconde vertu tant excellent & prouffit able que a peine bouche d'homme ne le pourroit dire ne main ne scauroit esripre. C'est la balance qui iamais ne fault / dont nostre bon createur ihesuchrist tient le cordon en sa mainelle pour se balance mesure et depart de toutes choses a iuste et droicte equite / et donne & rend a ung chacun ce quil doit auoir ou quil a desseruy. Par son auctorite viuent princes royaumes pays & ges de tos estatz enpaix richesse / labour et marchandise. Justice en effect est la protecti

on et especialle sauuegarde de leglise / Desues
et orphelins / foibles / et petis. Elle les preser
ue et garde des Violentes malices et oultrai
ges / des fors / et des faulx et doubtee et cremue
plus que fouldre de ciel des orgueilleux felons
et couuoiteux. Ceste vertu appartient par espe
cial aux princes qui ont le peuple a gouuerner
plus que a nulz autres. Bieurez et armez de
dieu sont princes qui sont en leurs cueurs et la
font sur eulx leurs enfans prochains de ligna
ge seruiteurs et officiers sans nulz espargnier
et de iustice pourrons largemēt parler au qua
tri esme chapitre. Continence dōt iay parle cy
dess⁹ est la tierce vertu qui moult fait a louer.
Car elle a pouoir et puissance de resister aux
mouuemens desordonnes de la chair / glouton
nie / puresse couuoitise et rapine desordonnee.
La derniere de yre ne lardant feu de luxure ne
le peut vaincre ne surmōter tant est plaine dat
trempance et de moderation en tous ses fais.
Elle est occasion et moyer de longue vie arde
de paiz et a concorde prouffitable en corps et en
ame. ¶ Luxure est ennemye / de tout bien / de
toutes bonnes meurs / et de toutes bouues ver
tus. Et pour ceste cause ainsi que tarquilian
recite. Democritus se creua les deulx yeulx

a celle fin quil ne vift femmes lesquelles il ne pouoit regarder sans peche. Les pitagoriciens esleurent iadis les desers et les lieux solitaires pour luxure euitier. Spurius aussi comme raconte Valere en son quatriesme liure / quant il vit que pour sa beaulte les femmes se desistrent a peche / il degaste son visage en disant quil armoit plus chier estre laict que par sa beaulte estre cause a autrui de pecher. Et pourtant dit leuangeliste que se ton oeil te fait mesprendre tu le dois gecter hors / pourtat nul ieune prince ne cheualier ne doit nullement estre donnee a luxure / et rememorer les maulx qui le temps passe sont venus par luxure comme de la destruction du peuple de sichen qui vint par la violacion de digne fille de iacob laquelle vouloit aller veoir les dames & la elle fut ravie comme il appert au liure de genese au viginti quatriesme chapitre. Qui fist ioseph a tort emprisonner si non la luxure de sa maistresse / qui deceut holofernes si non la beaulte de iudich / et la volente luxurieuse / dont il fut surprins qui fut cause du deluge de la destruction de sodomie / et gomorre / comme il appert en genese de la mort de amon / comme il est escript au liure des roys au vnziesme chapitre de abuer q

congneut les concubines de son pere hysbosetch
cōme il appert au second linre des roys au qua
triesme chapitre sinō luxure. Senecque en ses
proclamations au premier liure dist q̄ cest dure
mort que celle que luxure procure / car luxure
faict perdre temps / honneur et tous biens. Et
de faict anciennement les luxurieux estoient
grandement pugniz / car comme recit Valere
en son sixiesme liure l'homme qui iadis messe
soit son mariage debuoir perdre le peulx et ses
lonlanciēne loy la femme deuoit estre lapidee
Et si estoit ainsi au temps qui court. Je croy
qu'on ne trouueroit pas tant de gens tēdres du
begnin cōme len fait en toutes pars / il est bon
et plus que vtile a vng prince de euitier gens
et lieux luxurieux et viure en continence a les
pēple de marc surnomme marcellequel com
me saint augustin racomp̄te en son premier li
ure de la cite de dieu quant il eut prins la cite
de ciramse il trouua moult de belles femmes
bien parees et aornees / mais il cōmanda a tou
tes ses gens que nul ne fust si ose ne si hardy de
leur acoucher car se faire seroit contre lestat de
bonnes cheualerie. Nous lisons aussi commēt
octouiēt voyant cleopatre vne tres belle pucel
le iacoit ce quil fust en son amour aucunement

encline / touteffoys il ne se vouloit point abus
ser delle / si comme dit Policrate en son .iii. li
ure au vingtiesme chapitre. Semblablement
nous lisons comme Haanibal. Scipus. Julius
cesar & Cathon viuoyent sobriemēt / & ttes cha
stement / ne racōpte moysse Degece en son tiers
liure de cheualerie comment le noble cheualier
scipion lafriquan ne se voullut dequers abuser
de femme / comme il appect que quant il eut
pris la cite de cartaigne / en la quelle estoit vne
très belle fēme qui luy fut présentée a en faire a
son plaisir / mais il ne voulut Car ce faire hon
te seroit a l'oyal cheuallier / & pourtant il rendit
la ieune femme a son mary qui estoit prisonni
er Et ainsi de la dicte femme acelle fin quelle
ne mesprit il luy donna la rançon & sa franchise
Et pourtāt de purps celle heure il eut tousiours
la grace du monde & de tous cheualiers. Et de
faict ledit scipion haioit tant ce peche de luxu
re quil deffendit en son pays bordeaulx & tous
lieux des honnestes / ce qu'on ne faict pas main
tenant / car ieunes & vieulx sont donnez a telz
vsaiges sans considerer ce que dict Ouide en
son sisiesme liure de methamorphose / le quel
dict que luxure fait l'homme ardoir en soy mes
mes / & que amour de femme affoyblift le corps

richesses apetece l'homme / beau faict falle de
uenir / a a la fin de prudence tout aneantir. Et
pourtant qui veult chastement viure / il doit
les compaignies des femmes defuir / a cōsider
er que par femmes fut deceu le saige salomō
Le fort sanson. Le grant hollofernes. Le pph
te dauid. Le philosophe aristote. Le poete. Vir
gille et plusieurs aultres grans et saiges per
sonnaiges. Sainct Iherosime en son liure con
tre Iouinian dit que amour de fēme faict ou
blier raison / et tout sot deuenir / Bon cōseil em
pesche ne laisse estudier / faict l'homme sotemēt
souffier / a par telle maniere que de bien faire
sente oublir a a la fin hant son corps a sa vie.
Et a ceste cause Senecque en sa vingte qua
triesme epistre disoit. garde que luxure ne soit
en toy / car l'homme luxurieux est cōme la chose
se du tout perdue. et a ce propos egesip^{us} en son
premier liure en parlant d'ung nomme anthoi
ne disoit a l'empereur. saiches que anthoine est
vaincu. Mais ce n'est pas par toy. mais ce a fait
cleopatre la quelle il a si sottement aymee que
Il aymē plus chier estre vaincu avec elle / que
de vaincre sans elle. Si se doit bien aduiser
le prince a l'homme cheuallier quil ne soit par
luxure perdu. a aussi luxure est de si mauuaise

sorte quelle destruit le corps / & la force perit / la
Deue se gaste / le sens en appetice / la vie se as
biege / & sante empire couraige de biē faire sen
Ba / & bonne renommee se pert. Vincent au mi
rouer historial dit que dieu a donne aux hom
mes franche voulente affin que eulx biuās pu
rement / sobriement / nettement / chastement / &
sans peche / il soient fais semblables a dieu.
Dng temple de dieu & moult plaisant a luy est
pur esperit / et laustel de celuy est cueur nect.
Parquoy il est decent au ieune prince & a tout
homme songer a cecy / & en y ayant bien songe
se garde de cheoir en telle fange affin quil puis
se estre nomme entre les vertueulx / et estre
mrs au cathologue des parfaictz. Et est vne
chose moult impartinente a prince de soy asso
ter de chose qui soit a reprendre / & ne pouoit es
tre de parfaict sens qui en luy nauroit chaste
te. Magnanimite est la quatriesme des vertus
que on doit moult honorer. Car nul cheual
lier de haulte renommee ne firent oncques en
treprinse ne baillances en armes dignes de me
moire sans sa compagnie / ayde & confort. Ces
te vertu selon nostre langaige vault autant a
dire que force de couraige ou hardiement q ap
partient especialement aux princes et cheuals

liers. Car de sa nature elle est reconfortee de
tout ce qui pouoit aduenir a lencontre de l'ace/
bombarde/canon/tourment de mer/durte dy/
euer/chaleur de soleil. Ne le grāt nombre de ses
ennemis villes. Ne fors chasteaulx enclos de
murs a haultes tours ne le peut esbahyr ne em
peschier ses entreprinſes/ne garentir son enne
my puyſ quil la enchaſſe. Leſſuſion du ſang de
luy ne daultres ne le pouoit esbahyr ne doubter
la mort luy ſemble petite paine a endurer pour
acquerrir honneur & bonne renommee. Que en
ditois ie plus/elle eſt comme innombrable tāt
quelle ait raiſon & iuſtice en ſa compagnie. Et
affin que tous princes voyēt & cōgnoiſſent que
ceſt que magnanimite & force de couraige & q̄l
puiſſent recreer et ſolacier vng peu leurs eſpe/
ritz a l'ice. Je vuel raconpter aucunes hſtoires
des anciens qui ont eſte magnanimes dont la
teneur diceulx enſuit. Valere en ſon troiſieſme
liure au chapitre de force raconte de ſupplici
us oracius cloclis/lequel comme le roy porſen
nes roy des etruques/q̄ eſt vne partie de tuſcan
ne vit a grāt oſt a laide de tarquin longueilleux
pour deſtruire romme & fuſſent venuz & armez
iuſques au tybre qui depuyſ fut nomme pons
ſupplicius. Et cōme ledict porſennes et tarq̄n

Bouffissent passer le port ce supplicius oracius
cloches se mist tout seul au bout du pont par de
uant / & soustint en combatant vigoureusement
toute la bataille & effort des ennemis / dicy a
l'andant que le pont fust rompu / & le peril du
passaige hors par les rommains puis quant il
vit ledit pont estre rompu & que les ennemis
ne pouoient plus passer / il se gecta tout arme
dedans le Tibre & sen reuint sain & sauf a ses
gens. Semblablement Valere en son .vi. liure d'
ormeste. Sainct augustin au .xx. chapitre de la
cite de dieu / titus liuius ou .vii. liure de la pre
miere decade disant que quatre cens quatre
ans apres la creation de romme la terre sou
urit au milieu du marche de rōme & y apparut
vne tresgrande & horrible fosse q̄ alloit iusques
en abisme & ne pouoit on scauoir que cestoit .
Alors marcus curcius qui entendit ce respons
interpreta que la chose dont les romains estoie
ent plus puissans cestoit d'armes & de gens si
se arma richement & monta sur vng riche des
frier bien pare & saillit en celle fosse & inconti
nent la terre se reclout / & fut par iceulx la cho
se publique sauuee / dont il acquist grant hon
neur & louenge. Valere ou cinquiesme chapit
re de pitie ou il parle de force de courage dict

que a agemicius tipus q̄ estoit preteur aduint
Vng prodige de nouuelle maniere ouquel il re
sista p̄ grāt force de couraige pitie & amour q̄l
eut a s̄o pays car cōme il p̄ssoit de rōme pour al
ler combattre soudainemēt luy vindrent Vnes
cornes a son chef / & donnerent les deux respā
ces quant on leur demanda que ce signifioit q̄
fil retournoit a romme il seroit roy mais pour
ce quil luy sembla que ce seroit contre le bien
du pays & de la chose publique & quil auoit este
ordonne q̄ iamaiz nauroit roy a rōme. Affin q̄
ce nauint il sen alla de sa Boulēte en exil tou
te sa vie. ¶ Nous lisons aussi de lucinius den
tatus le quel comme aulus gelius recite parla
force de courage qui fut en luy fut en si p̄ditz
batailles / & au moyē de luy les rōmains eurent
Victoire en toutes lesd̄ batailles il eut au Visai
ge & au deuant de luy quarante & cinq playes /
mais il nē auoit nulles au dos. Vng autre exē
ple meēt Valere en disant que cōme les mages
eussent entrepris la seigneurie de mede et de
perse et eussent deboute le drap hoir Vng hom
me icobrias par sa grant hardiesse & magnani
mite de tres excellent couraige fist Vne coniu
ration aussi apres plusieurs & diuerses batai
les q̄ il eut faictes encontre ces mages & cōme

il eust abatu vng desditz mages dessoubz luy
en vng lieu obscur. il dist a vng de ses compai
gnons quil voulloit occir ledict maige et diffe
roit de tuer ledict cobrias. tu nas tié a doubter
pour moy que tu me fieres de ton espee frappe
aincops quil ne meure de tō espee parmy mon
corps. ce qui fut faict. q̄ est demonstpāce a tous
nobles princes quilz doyuent estre magnani
mes de couraige pour renger les mauuais. & les
mettre a destruction. & pour garder le pays en
paix & vñion. & les subgetz en bonne concorde.
a le temple de dessus nommez. Et mon tresai
me seigneur entre ses vert^s. Humilite fille de
prudence faict moult alouer. Car elle engēdre
paix & preserue denuie. et faict aymer la crea
ture. Car quant prince est humble & pitiable et
donne audience aussi bien au petit que au grāt
il faict son debuoir. & en est prise & ayme. Or
gue il decort la creature et meut a lhōme en luy
faisant entendre ce quil nest pas. & maine lhō
me iusques ce quil cuyde de ses vices que se so
pent vertus. Et a ce propos dit saint gregoire
en ses moralles au liure. xxxi. que le pecheur
cuyde que son obstination soit constance. & que
sa folye pour son humilite. Sa vantetie cuyde
estre largesse. Sa parace il appelle prudence.

Son importunité il nomme diligence. Et ses
pechez il appelle vertus. Et mest aduis q' ung
prince doit fuit estre orgueilleux / a le pēple de
beaucoup de princes & seigneurs qui par leur or
gueil sont de ffines mauuaiselement & misera
blement. Nous lisons au tiers liure des Roys
au dis huitiesme chapitre comment Habin par
ambition de resgner & orgueil tua son seigneur
mais il ne regna si non apres luy tāt seullemēt
que trois iours. Adonius aussi ne disoit il pas
par son orgueil. Je regneray apres mon pere / et
neantmoins il aduint l'opposite comment il ap
pert au troiesme liure des roys / au p̄mier cha
pitre. Tholomeus aussi par son orgueil faulce
ment le roy alume. Alepādre toutesfoys aduit
quil mourut le tiers depuis que roy fut faict cō
me il est escript au p̄mier liure des machabees
au .xv. chapitre. Achalie pour son orgueil / et le
grant desir quelle auoit de mestrier & seigneur
rier / elle feist tuer toute la semence des roys cō
me il apert au quātiesme liure des roys en .vi.
chapitre. Cher prince q' pourros nous dire des
orgueilleux. Je vous prie regardes quest deues
nue la puissance neron qui pechoit a rethz dor.
Du est la puissance pharaon. Du est la cite de
troye qui fut si renommee. Du est la tour de ba



bonne qui fut si esleuee. Certainement tout
est aneāt deuenü / car orgueil ne peut auoir du
ree. Quest deuenü arphasat le roy tres orgueil
leux. Quest deuenü agrippe et iulian qui es
toit si puissant. Si tu es saige que te hault te
glorifier et orgueillir en ta science. Salomon q
fut si saige a la fin fut deceu en tant quil aoura
les ydolles. Et architosele le saige conseiller de
dauid se pendit finablement a vne corde. Le sai
ge cathon ne se tua il pas / et democritus aussi.
Et pourtāt cest folpe soy glorifier et en orgueil
lire en son sens et sauoir. Et pour ce dit le saige
en son cinquiesme chapitre q valent les pom
pes et les richesses a les sciences du monde deu
quils se passent et euanouissent cōme fait lom
bre. si est moult sot le price lequel en sa puissance
ce transitoire se glorifie. Et a ce propos nous
lisons comment vng philosophe nome golonus
en parlant a alexandre disoit. O alexandre tout
le monde na pas long tēps ne te souffisoit mye
et maintenant six piedz de terre te souffisent
pour ton corps enterrer. Dultre plus quintius
racompte commēt vng homme tres ancien dis
soit audict alexandre. O alexandre regarde
bien que tu fais car il mest aduis que tu veulx
trop hault monter / mais garde toy quant tu

seras monte quil ne te faille laidement tref-
buchet lequel ale padre ne se sceut si saigement
garder quil ne fust empoisonne apres plusi-
eurs conquestes en sa ieunesse & en la fleur de
ses iours valere en son dernier liure racompte
comment le roy perces estoit en vne montai-
gne & en voyant son peuple / & ses cheualiers
plouroit en disant helas dedans cent ans tous-
te ceste cheualerie ne sera sinon vng peu de cē-
die. Et comme racompte saint iherosme / ce
nest riens que du monde. Car nous lysons q
Jouinian mist grant peine pour roy deuenir /
mais il mourut la iournee quil debuoit estre
roy du royaume de perse Et balétin qui si ri-
che estoit en gectant le sang par la bouche fut
mort & estain & son filz gracion de ses gēs fue-
tray & tue par vng sien ennemy cest doncques
petite gloire & folie de senorgueillir pour riches-
ses & seigneuries auoir. Pourtant le roy agris-
pe croit en mourant a haulte voix helas mes
bonnes gens ne vous chaille de richesses auoir
car moy vostre seigneur vous pouez voir tref-
pouement mourir. Parquoy il appert com-
mēt les pīces & seigns nōt poīt cause de eulx
orgueillir mais de traueil a cause de le^r seignr
& prēdre garde a iulius du qlis os aux phisqes

cōment il estoit moult humble a ses seruiteurs
et aussi prest a les servir cōme de recepuoir le^r
seruice. Si est d'icel que vng de ses cheualiers
tresancien vne fois entres les aultres fut con
dampne de par le conseil de romme a tresgrās
peines & dommaiges. Lors ie vint a cesar pour
requerir ayde. Lequel de primeface luy dist q^l
luy dōneroit tres bon aduocat po^r sa cause plai
der. Auquel le cheualier luy dist. O cesar tu
sces bien que la bataille d'aspe ie nauoye point
de aduocat pour toy ayder / ie y allay en propre
personne comme il appert par les playes lesq^l
es sont en mon corps. Adonc iulius cesar des
cendit de son siege en disant q^l le prince est aus
si bien ordonne a servir ses cheualiers par hu
milité comme ses cheualiers a servir au prince /
car orgueil fait le prince abestir & oublier sa cō
dition. Et de faict nous l'ysons au quatriesme
chapitre de daniel commēt nabugodonosor fut
par son orgueil mis hors de son siege royal mis
et en beste mue. Pharaon fut si orgueilleux q^l
disoit quil ne sauoit qui estoit dieu & de luy ne
tenoit compte comme il appert au cinquiesme
chapitre de exode / mais pour tel orgueil fina
blement fut pugny & noyé en la mer luy et tous
les siens. Anthiochus aussi par son orgueil fut

de dieu tres grandement pugny et feru dune
playe delaquelle ne se pouoit guetir comme il
est verifie au deupiesme liure de machabees.
Aman par son orgueil vouloit estre de tons ho
nore ⁊ estoit moult courrouce cōtre mardochee
pource quil ne le vouloit aouer / mais finable
ment ledict aman fut pēdu au gibet quil auoit
appareille pour pendre les enfans disrael com
me il appert au tiers chapitre de hester. Qui
feist cheoir pheton sinon son orgueil / car il Boul
loit le ciel ⁊ le soleil gouuerner oultre le cōman
dement son pere phebus cōme racompte ouide
en son premier liure de methamorphose. A bu
nelech se fist tuer par son orgueil / car pour tant
que vne femme lauoit feru il appella vng sien
escuyer ⁊ luy dist / frappe moy a celle fin que len
ne die que vne femme mayt tue comme il ap
pert au neu. fuesme chapitre des iuges. Pour
quoy fut le filz de dedalus noye sinon pour tant
quil vouloit trop hailement voler oultre len
seignement de son pere. Lhomme par orgueil
ne congnoist sa misere ne sa fragilite et cuy de
estre trop plus parfaict quil nest. Et ce tesmoi
gne le prophete disant q̄ quaut lhōme est mon
te a honneur et il deuient orgueilleux il a lēten
dement ⁊ deuient comme vne beste mue qui

na point en soy d'entendement dont il appert q
le pnce qui veult deuenir saige doit estre hum
ble et se recognoistre sans cupder de luy ce que
nest pas. Et a ce propos racompte saint gregoi
re en son dialogue au .i. liure au .iiii. chapitre
comment constantin fut si humble quil aprouoit
plus ceulx qui le desprisoient q ceulx qui le lou
oient. ⁊ de fait il aduint que vng homme le desi
roit fort a voir pour sa grâde renommee ⁊ pour
le bien que chascun disoit de luy. ⁊ finalement
quât il le veit il commença a dire par maniere
dune grande admiration. O constantin ie te au
doye vng grant homme fort ⁊ puyssant ⁊ y fait
et de singuliere facon / mais clerement ie voy
que ce nest riens que de toy. Lors constantin se
mist a louer dieu en disant. ie loue dieu ⁊ re
mercy de ce quil ta donne si bonne veue et si
clere cougnoissance de moy / car vrayement tu
es seul qui mas bien regarde ⁊ iuge clerement
tout au vray de moy ce qui en est. Parquoy dōc
ques mon chier prince ie veulx conclure avec
ques saint augustin que tout le principal com
mendement en toute la loy humaine est dauoir
⁊ garder humilite. Cest doncques signe que le
prince q est le chef / doit auoir en soy humilite
autant ou plus que nulz de ses subiectz. Pour

la quelle humilite auoit moult prouffita se bi
en gouuerner & congnoistre. et comme dict ora
orace en ses epistres il nest rien qui mieulx ap
partient a l'homme que humilite la quelle est a
dieu agreable & faict la creature agreable a dieu
& au monde. Et avec ceste noble vertu d'humilis
te appartient au prince estre frâcheritable & gar
dent foy lettres seellees tellement que chascun
se puiſt asseurer & areste & en ses promesses let
tres & parolles. et a ce propos len treuue ou tēps
ancien que empereurs roys et grâs seigneurs
ne se obligoient po' toute seurete en aultre ma
niere que seulement en parolle & dit de prince
et de gētileſſe. Car leurs parolles & lettres esto
rent en ce temps si bien tenues et gardees que
nen ny trouuaſt nulle deffaulte. Au regard de
tenir foy mesme ment en ses ennemis en ad
uons vne singuliere & non petite du roy Jehan
lequel par les anglois avecques plusieurs des
spurs de frâce fut prins deuant poitiers & me
ne prisonnier dedans angleterre / & luy estant
longue espace accorda avec le roy dangleterre
quil payeroit vne certaine rancon / pourueu q̃l
le fut agreable aux princes seigneurs et gēs de
france et pource scauoit & faire ledict roy Je
han sur sa foy vint en france pour leur enuoyer

sa rancon ou en deffault dicelle retourner pri-
sonnier luy estant en france ne peut fournir a
la finance q̃l luy conuenoit baillier. Et ce voy-
ant sen retourna en angleterre pour garder la
foy quil auoit bailliee qui est vne parfaicte des-
monstrance a tous p̃ces que foy doit estre fer-
mement tenue et non seulement entre ses a-
mys / mais entre ses ennemis. Selon tulle au
premier liure des offices le fondement de ius-
tice cest foy. Cest adire constance et inuola-
ble verite des choses dictes et promises. Et ce
est aprouue par actilius regulus / car cōme les
rōmains & les cartagiens eussent grosses guer-
res lesquelles durantes furent plusieurs carta-
giens prisonniers par les rommains / & peu de
rommains par les cartagiens ce neantmoins
ledict regulus q̃ estoit rommain & hōme moult
saige / fort & belliqueux fut prins prisonier des
cartagiens et luy estant en captiuite les carta-
giens luy dirent que sil vouloit faire deliurer
les prisonniers cartagiens des mains des rom-
mains quilz le deliureroient luy et les siens et
pour ce faire fut enuoye sur sa foy a rōme pour
embassader icelle besongne / mais luy estant
vers les rommains voyant que si les dictz rom-
mains faisoient icelluy eschange seroient beau

coup & par top molestez. Leur cōseilla quilz nen
feissent riens/auquel conseil s'accorderent aluy
voyant quil auoit promis sa foy aus ditz cartag
giens sen retourna vers eulx & leur racōpta cō
ment les rommains ne accorderent point en ce
ste sorte a eulx/dōt des ditz cartagiens fut pris
& mis miserablement & honteusement amort q̃
fut grande vertu au dit Regulus & moult loua
ble chose dauoir ainsi garde & obserue sa foy/ &
doibt ung prince a ces exēples. & a moult d'aul
tres telles auoir regart et estre loyal et fidelle
tant enuers le grant & le petit et ennemy com
me amy. Dauid ploura abuer mort/ combien
quil fust duc de sō aduersaire/ par lequel est en
saigne foy estre gardee a ses aduersaires & ver
tu estre honoree en son ennemy. francise q̃ bien
la veult entendre faict moult recommander
en prince ou noble cheualier & procede de iustis
ce & de magnanimité. Car la personne est fran
che sur toutes riens craint honte et reproches.
Et cēl qui aime honneur & craint honte/haul
droit autant souffrir mort que destre reproche
dauoir cōmis lachete de corps/trahyson ne aul
tre villain cas ne dauoir faulse foy/lettre s ne
selles. & de sa nature elle haït orgueilleux & fla
teurs & ne pouoit endurer leurs pompes ne fai

les manieres. Mais a pitie des pources foibles
a petist et espargne les humbles / et luy desplait
de dire mal de nul en derriere. et ne desire a mon
strer sa puissance se non contre les orgueilleux
ou ceulx qui a tort traueillent contre raison les
simples foibles a petis / son cueur et sa bouche
tiennent ensemble. Car pour rien homme franc
ne daigneroit dire ne affermer le contraire de ce
que son noble cueur pense. Et iacoit ce que frâ
cise selon l'opinion daucuns soit condition pe
rilleuse pource que par ce deuant plusieurs fois
a este deu maintz preudhomme et hardi cheuallier
mort et destrenchie / en pieces epilie et deboute
de son pays a loccasion de francise comme par
exemple en pouoit voir es hystoires du saige
prince Cathon des dessus nommes. et de maintz
autres baillâs hommes. Touteuies ceulx qui
blasment plus francise si confessent ilz quelle
depend entre vertu et verite qui nest pas repro
che mais grant louenge. Mon chier seigneur ie
ne veulx pas autrement soustenir que cheual
lier clerc ou homme de frâche condition qui en
tous ces fais et parolles veult user de francise.
et de tout dire la verite que a loccasion de ce nen
puist bien auoir a souffrir de corps ou de cheua
ce. Car tous brays selon le tēps qui regne ne

sont pas bons ditz/mais aultre chose est d'ung
prince qui na aultre correction sur luy q̄ la cre-
meur de dieu & sa propre conscience/comme des-
sus est dict que d'ung cheualier ou pour gētil
homme qui na pas pouoir de soustenir ne por-
ter oultre la verite de sa bonne & iuste querelle.
Mais ie vous conseille que en tous voz faiz et
parolles soiez francz & veritable sans riens dou-
bler ne cremit que dieu seulement. Et vous
gardes destre vateurs ne mesdisans de dames
ne damoiseselles/felon ne mal gracieulx en vos
langaiges/ne maintiens/renoir/iurer ne re-
spondre/batre ne ferir vos seruiteurs. Et sur
toutes choses vous garder de pureesse & de luxu-
re desordonnee. Se ie dis pureesse non sans cau-
se/ car pureesse et gloutonnie affoibleissent le
corps & ostent a l'homme toute voulente de bien
faire. Et de faict vous poues voir mon tres ho-
nore prince et seigneur comment les gens glou-
tons & leur pureesse parlent sottement & reuellet
leur secret souuent. Gloutonie est cause de plu-
sieurs maulx & pechez/et en vendre maladies
plusieurs. Et actance en son liure de braye ados-
tation dit que les poetes appellorent glouton-
nie bestialite/car l'homme glout vit sans rigle
et sans raisō & ne luy souuiēt de dieu. Et ainsi

que dit galtere pureſſe eſt ſepulchre de rayſon.
Et ouide au ſecond liure des remedes dit que
pureſſe enſeueliſt le couraige et la boullente de
l'homme / car par pureſſe l'homme deuient com
me mort ⁊ eſt du tout inabile de bien faire qui
fiſt que heloſernes eut par iudich la teſte coup
pee ſinon pureſſe qui fiſt que loth commiſt luy
ure avecques ſes filles ſinon pureſſe qui fiſt q
godor fut occis par abraham qui fiſt que nabal
fuſt tue par dauid qui fiſt que hela fuſt tue par
zambry qui fiſt que ſimon machabeus eut la te
ſte trenchee par tholome⁹ ſinon pureſſe comme
de tous les deſſus dictz appert en pluſieurs paſ
ſaiges de bible qui fiſt que les quarante ⁊ neuf
filz de egiftus furent tuez p leurs propres fem
mes les filles de danaus la premiere nuyt de
leur nopces ſinon par pureſſe comme il appert
au ſecond liure de methamorphoſe. Pource il
faulx que le bon prince ne face point ſondieu de
baccus q fut vng hōme qui premierement plā
ta vignes en grece ⁊ quant ceulx de la contree
ſentirent la force et la liqueur du vin q les eny
uroit ilz dirent que baccus eſtoit vng dieu qui
telle force auoit donnee a la plante. Si eſt par
baccus entendue pureſſe dont le bon prince et
cheualier ſe doit garder ne nullemēt ne ſe doit

habandonner a pureſſe / car ceſt vng tres impa
cient vice a tout noble et a homme qui vueille
vſer de rapſo. Et a ce propos dit ppocras ſuper
fluitez de vins et de viâdes deſtruiſēt le corps
et lame ⁊ les vertus de purongnerie dit ſainct
gregoire en ſes moralles que quant le vice de
purongnerie prent a ſeigneurier la perſonne el
le pert tout le bien quelle a faict ⁊ quant le ven
tre neſt reſtraint par abſtinēces toutes vertus
ſont enſemble noyees. Boece au ſecōd liure de
conſolacion dit q nature requiert ſobrieſſe ⁊ ab
ſtinēce. Et a ce propos raconte Valere en ſon ſe
ſecond liure que les anciens viuoyent tres ſo
briement et a celle fin quilz fuſſent chaſtes / les
femmes rommaines ne buuoient point de vin
pour ceſte cauſe. Senecque au liure des quatre
vertus dit que len doit menger ſans refection
et boyre ſans pureſſe / car gloutonnye fait de le
gier trebuſcher en luxure. Et a ce propos racō
pte ageſte en ſon premier liure comment socra
tes fut tres ſobrie en ſa vie / lequel ſocrates di
ſoit que les gens ne doiuent viure pour men
ger / mais menger pour viure / auſſi lhōme ne
peult ſeuſemēt ſil ne vit ſobriement. Didimus
en eſcrivant a alexandre dit que les gēs de ſon
pays ceſt aſſauoir deſ praigenye eſtoient tres

sobres et ne prenoient refection selon rayson et
necessite de nature & conclud finalement que
les gens dudict pays nauoyent comme nulles
maladies et ne vsoient daulcres medecins si
non de sobresse et de abstinence par lesquelles
choses il appert comment viure sobriement est
chose profitable alame et au corps / car psobres
se le corps a sante et lame vit sans peche. Et
pource dit lucan que on se doit acoustumer de
donner a nature attrempee nourriture / laquel
le soit sans oultraige et sans rixesse / car glous
tonne comme dit est nest point seulle / mais a
tousiours plusieurs pechez avec elle / parquoy
il conuient euitier ce peche de urongnerie / car p
icelluy on descéd de legier au peche de luxure
laquelle souille et empesche toute vertu dont
a loccasion de ce souuent se meuuent questids
et debatz & tolt toutes bones meurs abiege la
vie comme dessus est faicte mention. Larges
se et liberalite sur toutes choses appartient aux
princes et grans seigneurs. Car ilz en sont ap
mes et loues / tesmoing aristote qui entre les
enseignemens quil fist au roy alexandre luy re
monstra quil largement donne. Mais de ceste
matiere de donner parleray pl^a plain cy apres
ou il aptriendra. Gardez vous bien d'oyriagliers

27
ne de vous aseuler avec barletz ne gès de basse
cōditiō-mais vous acōpaigniez & pnezboz esba
temēs avec nobles hōmes saiges & biē renōmez
Et si aucuns rapors vous sont faitz ne arrestez
Jamais tant que parties oyēs se la chose touz
che/la Verite ensoit sceue pour pugnir de quelz
que estat quilz soyent ceulz qui lauront deffert
uy. Et se on vous me ffait nen prendres venge
ance tant que vostre yre soit passēe/cat cest vne
mauuaise chose a prince de pugnir durant que
sa fureur le tient pource que parauenture par
ire donneroit plus griefue pugnition q̄ ne ap
partiendrait qui seroit contre droit et iustice.
Et a ce propos tulle au procez quil fist de mar
cel dit que ire est ennemye a cōseil. Et epicure
dit que yre trouble lentendement et faict lhōme
me hors du sens deuenir & cōme dit cathon yre
empesche tant lentendement quil ne peut voir
ne considerer la chose raysonnable yre engen
dre discorde et toute inimitie. Et cest bien des
cent adng prince quant par le rapport daucuns
il est yre et courrouce de quelq̄ chose laisser pas
ser son yre & courroux puis enq̄rir la Verite du
faict. Noz lisons au liure des roys cōment saul
dissimuloit de ceulz qui medisoient de luy tāt q̄
sō yre fust passēe. Saict augustin en vne epistre

dit que ainsi comme le Vin aigre ou corumpu
corumpit le Baillage ou il est se il y demeure lo
guement. Aussi ire corumpit le cuer ou elle se
boute se elle y demeure de iour a'aultre. Et po
ce que ire est vng mortel Vice / a si mauuais q ce
luy q en est fort atteint na nulle cōgnoissance de
raison / il est conuenable que le prince ou cheua
lier ce garde de ire / car moult est grant deffault
a vng bon prince destre preux / et est vne chose
moult a louer a priser quant le prince est douls
gracieux a clement. misericorde a verite gar
dent le prince / a par clemence est son trosne ro
bore a crualte / a ire par lopposite faict a neāt
devenir / selon ce que dit Senecque qui dit que
crualte a ire est commencement de guerre. Et
doit le bon prince monstret sa clemence en deffē
dant a soustenāt les pources premieremēt a a
uant tous aultres. Le prince doit estre subiect
a clemence comme le tuteur a son pupille. Si
doit par dedans son cuer le prince auoir com
passion des miseres de ses subiectz / ainsi que
le chef a des membres / le pere du filz le tuteur
des pupilles. Le bō prince doit estre aisi que le
ioueur de herpe / car le ioueur ne faict pas sa cō
sonāce par les cordes rompues / mais par ceulx
qui sont proportionnellemēt estendues ou relas

chees ainsi comment il que le prince face cons
sonâce pour moderer aucunesfors par rigueur
de iusticer aucunesfors par la remission de clem
mence & faire / a sans vser de ire vñite en ses
subiectz. Sur toutes choses clemence faict
le pñce egal aux dieux. Et pource disoit le roy
assuere / comme il est escript au liure de hester
les parolles dudít roy qui sont telles comme ie
eusse eu auctorite et seigneurie sur plusieurs
gens & ie eusse subiugue tout le mōde sur moy
toutesfors ie nay poít voulu vser de la rigueur
& grandeur de ma puissance / mais ay mieulx
vsé et gouuerner mes subiectz par subiectz
par douleur & clemēce affin quilz vsassent le^s
iours en paiz & vñion. dont il conuient que le
prince soit en toutes choses clement & doulx / &
quil se vñie soubz meure cōdition & deliberati
on par braye & vñie attrempāce & sens & mode
ration. Car attrempence comme dessus est dit
est vertu qui moult faict a priser. Car par ires
chaleurs & hastiuetes de princes sont aduenus
maintz mechiez / cōme len peult voir en main
tes histoires. Gardez vous dingratitude / & re
cōgnoissies les seruices & plaisirs q lena faictz
a vous & a vos predecesseurs le temps passe.
Ne soyez pas comme ont este beaucoup de gēs

le temps passe qui ont este ingratz a leurs biens/
saicteurs/ comment furent les lacedemonies a
ligurgus lequel leur auoyt faict beaucoup de bi
ens/ car ce fut celui qui bailla & ordonna pmi
ement loix & manieres de viure aus ditz laces/
demoniens. il feist la loy que le peuple feust
tenu porter reuerence aux princes & que les pri
ces fussent fermes a faire iustice/ il deffendit q
lun ne achetast riens par argel/ mais par escha
ge/ & deffendit lusaige dor & dargent comme ce
luy q disoit estre matiere de tous maux. il diuis
a ladministratiõ de la chose publique/ il bail
la aux roys et princes ladministration des ba
tailles/ aux magistratz les iugemens/ il diuis
a entre vne chascune personne les terres egal
lement/ affin que lun ne se peust dire pl^r grant
maistre que lautre par puissance de patrimoy
ne. il commenda que les ieunes enfans iusq
a. p.iii. ans ne venissent point es villes affin q
en leurs ieunes ans il ne demeurassent d^re oyseu
se. il comãda q les filles fussent mariees sans ar
gent affin que les hommes fussent plus attre
pes pour leur matier. Et plusieurs autres bon
nes choses loix & commandemens comme reci
te dicit au miroir hystorial a. p. p. chap. du ti
ers liure. & toutes foyes comme dit Valere au. S.

liure au chapitre de ingratis. cōbien que se lique
gus leurs eus faict & ordonne tant de biens tou
tesfoys par plusieurs foys le chasserent hors du
pays / & luy creuerent vng oeil & finablement lē
uoient en epil qui fut vne grosse ingratitude
ne fut ce pas grāde ingratitude auz sabinien
faire cōtre carpeia. lesquelz faisans fortes guer
te auz rommains / & eulx ne scaichans cōment
prendre romme. prindrent la tour du capitolle
par le moyen de ladicte carpeia fille de Sulpi
cius carpeius / laquelle comme elle fut yssue du
chasteau pour aller querir de leaue de la fontai
ne les sabinien luy promirent certains grans
dons mais quelle leur liurast la tour. La quelle
pour ceste proumesse les mist dedans. & inconti
nēt la tuerent. Daultre part soit mis en memoi
re hystoire de Marcus camill^l. Ce marc camil
le par loque il des tributz de romme qui estoit
enuieulx de sa vertu fut chaste & banny de la ci
te de Romme / laquelle il auoit deliuree de la
main des boyeulx qui estoient leurs tres griez
ennemis / & sen alla en epil demourer en ardee.
Le neantmoins depuis il vengea les rōmais
dont il fut appelle au second romulle et pere du
pape. sicōme dict eutrope en son premier liure
Marcus cicero auoit deffendu par grāt cure de

tout crisme et par grant eloquence pompilius
Benates de la main d'athoine / mais le dict pom
pilius apres s'as ce que cicero luy eust meffait
quāt il sceut quil estoit proscript pria athoine
quil fust enuoye pour le tuer. Et quāt il eut ce
impetree a grāt ioye sen courut a anecte et illec
pompilius a la tres haulte dignite quil deust a
uoir garder couppa le chef de leloquence rom
maine et la tres noble departie de paiz. Et a
tout ce fardeau tres ioyeux sen retourna a rō
me nonapant le souuenir quil portast le chef de
celluy qui le sien luy auoit sauue ainsi comme
dit Valere le grāt au chapitre de ingratiss. Sem
blement les Atheniens rendirent le mal pour
bien a solon / a de solū dit iustin en son deu pief
me liure quil fut en iustice homme de grāt au
ctonite et noblesse et bailla loiz quilz eurent si
agreables a athenes cōme sil eust faict dne ci
te toute neufue dont Valere dit en son cinquies
me liure ou chapitre de ingratiss q ces loiz es
toyēt si profitables au peuple d'athenes que sil
en eussent depuis voulu vser ilz eussēt en per
petuel empire et seigneurie et toutesfoys par
leur ingratitūde fut il chasse d'athenes en sa
vieillesse et sen foyt en cypre agarant comme
epille ou il trespassa ne il ne peut estre mys en

terre au pays ou il auoit fait tant de bien. En
pareil cas dit Bigece de re militari ou.iiii.li
ure ou.ix.chapitre que durant le siege du capis
tolle que les gaules de sens tenoient les cordes
des arbalestres ares engins des rommains fu
rent toutes rompues / & comme ilz eussent des
quoy les refaire toutes les nobles femmes de
romme qui la estoient coupperent leurs che
ueulx par le moyen de manlius torquatus pour
refaire les dictes cordes / & touteffoys ce maul
uais torquatus qui si baillamment garda / et
deffedit le capitol & sauua la prouince de rom
me depuis par les rommains sans considerer
le bien qu'il leur auoit faict fust gecte du hault
de capitol a terre & mourut miserablement.

Qui fut cause que les enfans d'israel furent si
long temps sans entrer en la terre de promis
sion sinon l'ingratitude de eulx de non recon
gnoistre les biens & les graces que dieu leur a
uoit faictes. Dauid auoit fait des biens a plu
sieurs gens qui apres le voulurent liurer aux
mains de saul qui le haioit mortellement dõt
ilz furent pugnis au par apres comme il est es
cript audict Hoab semblablement auoit faict
plusieurs seruices & moult de bien au roy ioas
mais en la fin il fut mal remunerer Car le filz

de ioas finalement fut mps a mort par ledict
ioas cōme il est leu au liure de paralipomenon
A ce propos il est leu aux gestes rōmaines quil
y eut Vng empereur qui par recreation sen alla
Vng iour a la chasse & en passant par Vng tailliz
aduisa Vng serpent q̄ aucuns pasteurs auoyēt
pendu a Vng arbre le quel serpoit et siffloit assez
haultement & douloureusement lempereur ap
ant pitie de se serpent le despendit & le mist en
son seing pour leschauffer et le refaire du mal
quil auoit eu. Et quant l' dict serpent fut Vng
peu eschauffe & appaise de la douleur & du mal
quil auoit eu ba mordie tres asprement et mor
tellement ledict empereur. Lors lempereur ba
dire en reprenant & blasimāt le serpent quil luy
rendoit le mal faict pour le bien faict et le ser
pent respōdit ne scez tu pas que ma nature est
de faire du mal a ceulx qui me fōt du bien. Et
telles parolles ouyes ledict serpent fut reprins
par les gēs dudict empereur et repēdu au lieu
dont il auoit este oste et la fina miserablement
ainsi quil deuoit pour estre bien requerdonne
de son demerite. Parquoy mon trescher prince
Il vous fault garder digratitude & vous fault
recongnoistre tous ceulx tant grans que petitiz
qui vous ont serui et ayde / et ce recongne leur

rendre gardon selon qua eulx appartient. Et
ne vo^r fault sur toutes estre ingrat euers dieu
mais recongnoistre les santez et prosperitez
les biens/les possessions/les victoires/les a/
mities de vo^r subgectz/les vertus:les dons de
grace & toutes aultres telles choses quil vous
donne/ sans les attribuer a vous ou a aultre /
et se ainsi est vous acquerrez lamour de dieu
du peuple et de vo^r subgectz honnorez & sup/
portez les anciens & sur toutes choses ayez pié
tie des pources. Et ce paiz et accord est p^r vous
fait a aucuns de vo^r ennemys gardez que ia
mais apres ne vo^r souuiengne d la malice bail
lence appliquez vous a diligenter et a leuer
matin et expediez legerement ceulx qui vous
priét ou ont a faire a vous. Car paresse & lon/
gueur est chose mal seant en toute creature et
par especial en roys & princes qui ont le peuple
ple a gouverner.

CLe tiers chapitre.

CLe tiers chapitre parle du bien et du
prouffit qui viét aux princes et grans seignrs
terriens quant ilz gouvernét eulx & leurs sub/
gectz par raison et par iustice.

Chouche dhōme mortel ne pourroit dire ne
exposer le bien qui sensuyt / quant vng bon roy
ou bon prince de sa condition ayne la chose pu
blique & gouverner luy & son peuple par raison
et iustice. Car de iustice viēt paiz / & par paiz
le peuple croist & multiplie en richesse labour /
et marchandise. Prince sans sens & raison nest
pas digne destre nomme prince. mais tyrant et
cruel / parquoy il est requis que vng homme cō
bien quil soit ieune & de legier couraige quant
il vient a seigneurier sur le peuple quil chāge
ses meurs & conditions / & quil se gouverne p
les saiges anciēs q̄l luy peuēt tout bien conseil
ler sans se acointer de ieunes gēs plains de des
raison dont tout mal & honte luy peult aduenir
affin que par ses bonnes meurs et conditions
tout son peuple se gouverne / car ou le prince est
m uauais & de mauuaise condition ou enclin a
auchun peche tout le peuple le deult ensuyuir /
et est quasi aduis au commun & simple peuple
quilz peuent faire facilement & sans reprinse.
ce quilz voyent faire a leur prince. Et cecy con
sidere mon cher prince mettez peine q̄ si vous
estes ieune daage / vous soyés nect / et pur en
prudence & en raison affin que ne soyés poit cau
se de faire pecher voz subgectz. Et vous gou

nez ainsi que feist Numa pompilius/leql ainsi
si comme dit Titus liuius au premier liure de
la premiere decade quant il fut esleu a estre roy
se gouuerna par si bonne rayson que le peuple
rommain qui au temps de romulus auoit este
plain de guerres fut tout en paiz & pacifique/
sans guerres ne discentions. Et ledict Numa
combien quil fust ieune/se gouuerna si bien et
si raisonnablement que le peuple qui par auât
auoit este mauuais cōmēca a confer ses meurs
Exemple des meurs de leur roy. Et commēt
les peuples veissent ces choses qui par auant
cuydoyent que la cite de romme eust este assise
au milieu deulx/nd pas pour faire cite/ mais
pour faire guerre & siege aux aultres citez/ ilz
la commencerent a auoir en telle reuerence qlz
tindrent que faire force ne violence a celle cite
qui tant estoit dedie a bonnes meurs/ cōdit os
& raison estoit laideure & mauuaistie. Si peult lē
doncques voir comment cest chose notable das
voir prince raisonnable & vertueux/ auquel le
peuple puisse prendre exemple & hōnes meurs
il nest rien qui tant flechisse les meurs et les
boulentes humaine comme la vie du prince ou
regent. Et selon se que dit claudie en son grāt
volume/le peuple garde biē equite quāt il voē

que son souuerain la garde. Mais aisi comme
dit senecque au liure des naturelles questions
plusieurs gouuernent royaumes / citez & aul-
truy / mais peu en ya qui se sarchet gouuerner
eulx mesmes / car se vertu nest au cueur tãost
y suruient mauuaises affections. Item le prin-
ce quant en son pays ny a nulles guerres & que
son peuple est enpaix doit ordonner bõnes loix
affinque nulz ne demeurent mauuais pilleurs
et robeurs. Et pource quen temps de paix les
lacedemoniens ne pleurent point. A cecy leur
poitices perirent du tout / car le peuple deuint
tout effemine et perdit prudẽce & rason. Vng
prince plain de rason doit faire quen son pays
on ne maine point vie oyseuse et son doit au-
cuns bate's & gasteurs de paue sauoir dequoy
et comment ilz viuient sans les laisser rober ne
piller les bonnes gens cõme de telz on doit as-
sez. La cite de marseille aisi que dit Valere ou
second liure au chapitre des coustumes est clo-
se a ceulx qui passent le temps en oyseuse sans
riens faire. Et pleust a dieu que telle coustume
fust bien gardee en tous lieux et quil ny eust
point tãt de bragars ne de bragarbes qui men-
gussent leur pain et ceulx daultuy en oyseuse
de laquelle paillardise et meschansete ensuyt.

Item Vng prince doit garder que nulz de ses
subgectz ne despèce le sien trop excessiuemēt
en superfluitez de boire ne de māger ou esba-
stemēs / car par ce visnt luxure ainsi comme
dit therence & veult conclure que luxure est pe-
rie quant on est sans pain & sans vin. Il appar-
tient veritablement au sexe feminin de viure
sobriement et par especial en abstinence de vin
Et dit senecque en l'une de ses epistres que
les tres grans des medecins comme ypocras
dient que les femmes ne sont chauues ne po-
dagres comme sont les hommes et est leur in-
tencion q̄ cest pource qu'elles ne boiuent point
de vin / mais sauue la reuerence de iceulx icel-
les seuffcent bien pareilles maladies que fōt
les hommes: car eiles aussi bien dieu mercy ou
mieulx que les hōmes ce neantmaintz ie croy
qu'on ne doit dire ypocras menteur pource que
la nature des femmes nest point muee / mais
seullemēt leur vie. Ainsi que dit aulus gelius
abstinēce entre les rōmains nestoit pas seule-
ment obseruee par ordōnance et disciplination
domestique / mais aussi estoit gardee par loix
par status & pugnitiōs publiq̄s. Itē Vng prince
doit corriger gēs de dissolutiōs & iniurieux Itē
aussi q̄ tōs soyēt occupez en bōnes operatiōs
e.ii.

Semblablement aussi ung prince doit estre hū
ble & honorable & loyal en ces fais & promesses
et a ce propos racompte Valere en son septies/
me liure comme ung seigneur rommain nom/
me Fabius proumist a Hannibal certain argent
pour rancon d'aucuns prisonniers rommains
qu'il tenoit mais que il les voulsist deliurer / et
lois Hannibal luy octroya sa demande / & Fabius
sen vint a rōme & racompta aux rommains sa
proumesse / lesquelz ne voulurent payer ce qu'il
auoit proumis / & voyant ce Fabius vendit son
heritaige / & tint sa proumesse a Hannibal pour
ce Policrate en son .vi. liure . au .v. chapitre / dit
que prince ou cheualier doit garder & tenir fer/
mement ce qu'il proumet . autrement il seroit
dit faulx & homme sans raison / dōt il fault po/
bien garder et entretenir le peuple vertueuse/
mēt & sās vice & peche q̄ le prince soit vertueux
et plain de raison sans estre ioueur de ieux es/
feminez qui donnent mauuaise eexemple / non
seulement a leurs subiectz . mais autres gens
hors du pays qui peuent rapporter en faictz en
leurs pays / qui peult sortir et tourner a vīlle de
desraisonnable chose . & iacoyt que raison & ius/
tice en commun par les porteurs deuy noms si
font elles si annepees & coniointes ensemble q̄

ce n'est en substance que comme tout vne chose.
Car iustice ne faict riens sans raison. & raison
conduit tous ses fais par iustice. Car deux
choses nous a dieu laissees en terre pour nous
enseigner le droit chemin par ou len peult acq-
rir bonne renommee en ce mōde et la gloire de
paradis en fin. Raison selon l'opinion des phi-
losophes & des anciens peres est le differēt qui
est entre beste & creature. & certes qui biē p pen-
se & regarde nostre creation & pouure fragilite
naturelle. il dient bien verite. Car la personne
sans raison faict plus a eslongier & fuir q nulle
beste tant sauluaige quelle soit. Raison la prou-
fitable nous enseigne ce que nous debuons fai-
re ou escheuer / taire ou pler / & si est le scu de def-
fence qui nous garde des assaulx que nous li-
ure iournellement le mōde / le dyable & la chair
Car tant que creature se beille ayder de raison
de legier sont reboutez vicez. Car en son ay-
de p souuient la cremeur de dieu. et puy que la
cremeur de dieu & raison sont ensemble / la per-
sōne est sauluee & hors de perilz. Le faict de rai-
son pouoit estre compare a la vertu de prudence
qui en toutes choses est necessaire Si doit toute
pōne par especial vng prince mettre peine da-
voir raison en tous ses fais. Justice la droictus

re dont dessus est parle à bien le veult entendre
la doit cōprendre en trois parties. La premiere
toute creature qui a sens & entendemēt la doit
auoir en luy mesmes et au mouuement de son
cueur. Cest assauoir se corrigier de ses meffais
et de ffaultes auant q̄ autre iustice q̄ la sienne
y mette la mai. Car silz nest pas dignes de pu
gnir & iusticier le peuple sil na puissance & bou
lente de faire rayson et iustice de luy mesmes.
Cest a entēdre q̄ se len a fait domnage ou in
ture a aultruy que iamais len narreste tāt quil
soit amāde ouy restitue. Et en briefue substan
ce que lē face a aultruy ce q̄ on voudroit quon
luy fist. Et les deux autres parties de iustice
au regard de la tēporalite appartient seulement
aux empereurs roys et grās seigneurs a leurs
officiers et vassaulx. Cest assauoir de garder
les bons paisibles et prouffitables des oppres
sions malices & violences des fors & des faulx
et les pmouuoir & auancier es benefices estas
hōneurs & offices deuāt tous aultres & sen fai
re seruir. Et dautre part pugnir & corrigier les
maiffaicteurs felons & cruelz de leurs meffais
crisimes & deliz selon les droys vsaiges & cou
stumes des pays sans nulz espargnier comme
q̄ as quilz soyent par moyen des prieres ne de

donc dor ou dargēt que on leur en puisse ou fa-
ce faire / et tiercemēt est bon & droicturier iuge
en toutes causes & querelles tāt reelles que per-
sonnelles qui suruenit & mouuoit se peut partie
contre autre en leurs royaumes es pays sans
donner ne apporter saueur delays ne longue's
pour amour ne hayne / car nous lisons commēt
sainct ambrose commanda a theodose quil ne
donnast iamais sentence cōtte homme qui fust
son ennemy / acelle fin que vengeance ne fust
cause de iuger trop fauorablement / & ne doibuent
estre supportez p eulx ne leurs officiers nō pl⁹
les grās que les petis : & en ces trois parties ce
pouoit entēdre leffect de noble vertu de iustice
La principale chose pourquoy les aultres prin-
ces ont este ordonnez sa este pour maintenir et
garder iustice & ne doibuent point tant estre a-
mateurs de leur singulier profit comme de ius-
tice / & leur fault sauoir quilz delaissent leur es-
tat & vocation quant ilz ne font droit & iustice
a vng chacun : & a ce faire ilz peuent prendre ex-
emple au sept saiges dathenes / desquelz racō-
pte valere en son sisiesme liure au sisiesme cha-
pitre comment themistocles leur disoit que ilz
doulussent mettre en subgectiō le pays il respō-
dirēt q pice ne doit faire contre iustice. mais

plus aymer iustice que richesses ne dons. Le
roy saint loys q̄ les iuges ne pensissent riens
du monde de ceulx a qui ilz auoyēt des procez
aiuger. Et a ce propos saint augustin en son
quatriesme liure de la cite de dieu au .xix. cha
pitre racompte comment les conseilliers & les
iuges de romme estoyēt moult pources comme
il appert de vng qui fut dit lucius Valerianus
lequel ne viuoit sinō des aumosnes du peuple
a cause de sa tres grant poutete laquelle auoit
luy et les aultres pource q̄lz ne vouloient dons
recepuoir a celle fin quilz ne fussent enclins a
faire aucune chose plus en faueur de partie que
de iustice. Et de fait plusieurs furēt mys hors
du conseil pource quilz recepuoyēt dons au pre
iudice de rapson et de equite. Item vng prince
doit garder les loix et faire iustice sans la fai
re corumpre tarder ne dissimuler comme font
plusieurs qui est tres mal faict. Et principale
ment des loix quilz establisent. A lexeemple
d'ung roy de locres nomme zeleneus lequel es
tablit vne loy qui fut telle que se quelqun tuoit
vng aultre il deuoit estre tue en telle sorte et
maniere comme il auoit tue lautre ou sil luy
couppoit vng bras il deuoit auoir vng bras coup
pe & ainsi des aultres. A vint que le filz du roy

creua par inconuenient les deux yeulx au filz
dune poure femme laquelle cecy voyât sen vî
au roy et luy demâda iustice du meffaict le roy
pour acomplir iustice commanda quon creuast
les deux yeulx a son filz. Et voyant icelluy iu
gement les grans seigneurs remonstrentent au
roy le grant mal que ce seroit pour le pays sil
faisoit creuer les yeulx a son filz qui deuoit re
gner a dominer apres luy. Pour satisfaire aus
ditz seigneurs a pour garder iustice il ordonna
que son filz en auroit vng creue et luy vng aul
tre ce qui fut fait. En pareil cas Balere en son
cinquiesme liure recite de cardius cirrus vng
hôme ainsi nôme qd voyât que plusieurs noyses
et diuisions estoient entre les conseilliers de
romme. Or donna et fist faire vne loy que nul
nentrast au cōseil a tout son espee pour fuyr in
conueniens qui en pouoient aduenir. Mais il
aduînt que luy reuenant de loingtain pays en
tra au conseil a tout son espee sainte. Lors les
conseilliers luy demanderent pourquoy il rom
poit la loy quil auoit luy mesmes faicte. Lors
sans dire mot print son espee en mettât la poin
cte deuers luy et sapupa dessus telle ment quil
se tua en disant quil armoit plus cher mourir
que rompre iustice sens pugnition. Et iasoit

ce que nul ne doit bue scauoir pcurer / neâtmoïs
il appert par lesdictes hystoires comment les
anciens estoient moult amoureux & diligens
de bien garder iustice. Sèblablement aussi n'est
a mettre en oubly la iustice de Junius Brutus.
Et pour cielle magnifester il est assauoir que
apres que tarquin loigueilleux fut chaste de rō
me se bouterēt ensembles plusieurs ieunes hō
mes dissoluz & de mauuaise vie. lesquelz esto
ient aisi cōme cōpaignōs dudit tarquin & se te
noient mal cōtēs de ce q̄ len lauoir boute dehors
de rōme pource quen son temps il auoyēt desu
plus a leurs boulientez & sans pugnition quilz
ne faisoient soubz les consulz. Et pource quilz
se sentoient ainsi restrains de leurs desordon
nees boulientez firent cōspiration de remestre
ledit tarq̄n en la ville. Et parlerēt a plusieurs
qui furent de leur accord & aliance. Et p̄ espe
cial en parlerent aux enfans de ce iunius bru
tus & aux freres de sa femme & enuoyerēt a tar
quin loigueilleux pour parfaire leur faict. Et
finablement ilz furēt accusez par vng seruiteur
auquel ilz se fioient qui vīt bailler les lettres
que on portoit au dit tarquin / la chose reuelee
furent tous emprisonnez. Et la chose congnue
& aueree Junius Brutus condampna sesditz en

fans & les freres de sa fême a mort & leurs feist
en sa presence a tous couper les testes sans
ce quilz mōstrast quil ne eust quelque doulleur
ne desplaisance. Commedict saint Augustin
au sisiesme chapitre du troisieme de la cite
dedieu. Plusieurs aultres aussi condampnoy
ent leurs parens & amys & disoyent que iusti
ce doit preferer a amour / & ne doit pas le iu
ger iuger ce quil peult faire / mais ce quil doit
faire. Et aussi mon singulier prince il nest pas
bon de constituer & ordonner iuges si on ne les
sent bons & saiges / car se sont les deux conditi
ons / sans lesquelles le iuge ne peult bonnemēt
ne droictement iuger. mais le temps est venu
que les iuges sont plus ordōnez par faueur de
sang ou de dons que par sens ne bōte quilz apēt
Nous lisons au second liure des paralipomes
nes que le temps passe la iustice estoit si droi
cte & de si iuste equite que nul malfacteur ne de
mouroit impugny de son offense. mais mainte
nant nen est plus ainsi / qui est tres mal faict a
prince de souffrir ainsi iustice estre corūpue /
qui le temps passe a este si droicte que cest cho
se singuliere a en ouyr parler. Neantmoins
quil y auoit moult a parler touchant la rectitu
de de iustice sil me estoit loisi ble et q ie feusse

suffisant pour en parler toutesfoys pour ceste
heure ie men taiz et vous en laisseray faire et
ordonna comme ie croy que vous le ferez selon
equite en vsant de droit et de rason. Diap est
que iustice selon la rigueur de sa droicture a bien
mestier destre acompaignie de clemence et de pi
tie. Car se ainsi nestoit: ygnorance / simplesse
ou necessite naueroient point de excusation. Co
me pour exemple se deux freres iouoyent en
semble et que en leur esbat l'ung occist l'autre. Du
archier ou arbalestrier curdant ferir cerf ou bi
che en la forest assenast de malice auanture son
compaignon. Du saucun assallyfust pour le bien
son maistre ou son corps deffendre fut a ce mes
me quil conuenist qui fut occis ou quil occist. en
tel cas pitiables ou samblables doiuent princes
et grans seigneurs qui ont la iustice a mainte
nir vser de clemence et de pitie et espargner les
simples paisibles et ignoras ceulx de bone vou
lente / et de vie honeste. pitie et misericorde sont
bien sceantes a ung prince / et sans icelles nest
pas seigneur naturel / et pitie faict les roys et
princes viure en seurete. Solinus racöpte com
me il conquist plus des pays par pitie que par
force / et a ce ppos racöpte Valere que alexandre
boyat ung de ses cheualiers auoit froit il des

ceudit de son siege et le mist en son lieu. Nous
lisons en l'heystoire de troye commēt titus ne se
doulloit benger de ceulx qui medisoier de luy
Quant marcellus eut prins la cite de ciranise
et il vit que les prisoniers plouroient il se mist
a plourer comme dit Valere au liure dessus al-
legue. Semblablement nous lisons comment
cesar voyant la teste de pōpee son ennemy mor-
tel fut moult courrouce et en eut grant pitie.
Quant appollo sceut que anthiochus & perses
deuoient estre vaincus contre aristomenes / il
en plora de pitie par l'espace d quatre iours / en
apres aussi dyane plora la mort de camille. Et
pour l'entendement de ceste hystoire il est assa-
uoir sicōmedit Virgille en le .vi. de eneides que
cōme camille qui estoit royne des Volques fust
venue a layde de turnus roy des rutilliens qui
auoit guerre cōtre enee fut tue dune lance par
Vng troien dont dyane ploura piteusement sa
mort. Semblablement hercules ploura la mort
de palas le filz de euāder roy darchadie lequel
euāder auoit enuoye son filz Palas en layde
de enee contre turnus et tiurnus saichant que
ledit palas venoit au secours de enee / alla ha-
stiement au deuant. Lors quant palas vit lar-
mee de turn^s feist sa priere a hercules quil luy

pleust de descōfite / turnus auquel fut respōdu
par hercules que ainsi ne pouoit estre / mais au
contraire que turnus tueroit palas / ce nō pour
tant Enee vègeroit sa mort par ce que apres il
tueroit turnue. ⁊ pour la pitie de la mort de pa
las ploura l'hydolfe dercules. Nous lisons aussi
comment cesar voyant cathon son aduersaire q
se estoit tue il en fut grandement courrouce et
trouble. ⁊ apres il donna aux enfans dudit ca
thon tous les biens de leur pere ⁊ les arma tres
songneusement. Dauid au Ti ploura la mort de
saul qui lauoit tant de foyz voullū tuer et met
tre en captiuite. Aussi ledit dauid fut moult do
lent quant il oyt dire que son filz Absalon luy
menoit forte guerre le voullāt expulser de son
royaulme. Valere au dessudict liure recite cō
ment pompeius print le roy darmenie lequel e
stoit son ennemy ⁊ le desmist de son estat. mais
quāt il vit q ledict roy estoit moult dolent ⁊ des
plaisant / lors il eust de luy telle pitie quille res
mist en son premier estat. ⁊ le couronna en luy
restituāt son royaulme du tout. A insi il est leu
que vne compaignie de gens estant a vng bāc
quet en beuuant ⁊ mangeant commencerent a
blasmer ⁊ a dire plusieurs mauuaises parolles
diffamatoires de leur prince pirrhys / et quant

ledit pirrhys le sceust feist prendre a son aduis
celuy qui plus auoit dict de mal de luy & iceluy
estant deuant pirrhys se mist a genoux & en pleu
rant pria a pyrrhus quil luy pardonnast et que
encores si le vin leur eust dure plus longuemēt
encores eussent ilz dict plus de mal de luy. Pyr
rhys voyant ledict homme plourer cōbien quil
fust moult cruel/eut pitie & luy pardōna. Enco
res est il leu en balere au cinquiesme liure au
chapitre de pitie cōme Codrus le dernier roy
dathenes regarda son pays estre moult greue
par fer & par feu par la puissance des ennemyes
luy q̄ neut fiance en humain ayde/enuoya vng
a apollo en delphos pour enquerir quelle fin il
pourroit mettre en ceste guerre.& de tous poīs
doibt monstret la rigueur de iustice sur les fe
lons/cruels/malicieus/apreuoqueurs q̄ par en
gin propos delibere & force de leur lignaiges ou
daide en court cōduisant leurs crismes tenses
couuoitises & cruaultez & en sont coustumiers.
Or ya bien maniere a prince de se gouuerner
droicturieusement par iustice sy q̄ ny soyt trop
lache ne piteus ne corrompu par prieres ne par
dons.daultre part princes qui desirent dacques
tir la grace de dieu/bonne renommee/doiuent
mettre peine & faire diligence de trouuer p̄tōs

leurs royaumes & pays sept ou huit preudhommes de bonne vie saiges et plains de vertus tant clers cheualiers ou aultres gēs notables pour les conseiller en telles matieres & en toutes aultres choses touchant le monarchie & gouuernemēt de leurs seigneuries. Car pl^r clers voyent en iustice & en toutes choses / plusieurs a droit esleuz q̄ vng seul en particulier. Et pour conclusion / princes se doiuent conduire selon la doctrine de la loy de nature. La quelle est crier & aymer dieu / & requerrir son conseil & aide a lencommencement de tous ses fais. Et daultre part de faire a aultuy ce que on voudroit quon luy feist. Et doiuent regarder aux iugemens requestes & commandemens quilz les facent telz et semblables sur leurs subiectz quilz voudroient que bien feist sur eulx silz auoyēt seigneur ou prince temporel par dessus eulx.

Le quatriesme chapitre.

Le quatriesme chapitre dit de q̄lz meurs et conditions princes & grās seigneurs doiuent estre leurs conseilhes & officiers principaulx.



En treuve en la bible au .xviii. cha-
pitre de eutronomie que nostre sei-
gneur comanda de sa bouche a moïse
q a gouverner son peuple constituast
iuges droicturiers sans porter parties neât pl⁹
le grât que le petit & quilz se gardassent de prē-
dre dons. Car dons aveuglent tous iuges & les
font foruoier & eslongier droicture. Et est trou-
ue au .xviii. chapitre de xod. que vng nōme iez-
tro qui voit la paine que moïse son cousin pres-
noit a loccasion du gouuernement du peuple.
Hceluy meū de pitie luy conseilla que pour luy
ayder a supporter ses chariges / il eslisist de sa
gent des plus pupssans hommes bons & verita-
bles craignans dieu & hayas couuoitise. Et au
regart de ce & de couuoitise neantmoins q nous
ayons parle de iustice & des iuges cy dessus tou-
teffors pour satisfaire a toutes choses. Nous
lerōs encores vng mot de la cupidite de auari-
ce des iuges & comment ilz ne doibuent iuger
par hayne. Et pour perfournir a ce / il est assa-
uoit que vng prince ne doibt point mettre con-
stituer ny ordonner vng iuge trepriet ou off. ci-
et en son pays qui soit auaricieux / car cela luy
pourroit tourner a trop grant dōmaige / car on
en voyt plusieurs qui ont officiers & les desirēt

a auoir & les achetent cher pour le proffit quilz
y sentent auoir / & aucunes fois a tort & sans cau
se font mourir maintz pourcez prices pour auoir
la confiscation de leurs biens. Et a ce ppos ra
compte Senecque comment iadis vng iuge p
sa cupidite feist mourir troys cheualliers / & dit
a vng des cheualliers / tu mourras pourtāt que
tu nas amene ton compaignon avec toy / car ie
me doubte que tu ne lapes tue pour auoir sa fi
nance / lors il commanda a vng de ses cheuali
ers quil feist ledict cheuallier sans plus tarder
mourir soudain / mais tantost apres vint le cō
paignon dudict cheuallier qui condāpne estoyt
a mourir / & lors ledict cheuallier auquel auoyt
este commande que il feist mourir son compai
gnon vint audict iuge & luy dist quil voulsist sa
sentence muer / lequel comme couuoiteux espe
rant par la mort dudict cheuallier auoir la con
fiscation de ses biens respondit que tous troys
mourroient / & trouua occasion sur eulx affin
plus eust de leurs biens. Et dist que le premier
mourroit pource que vne fois lauoit condāpne a
mourir. Et au second dist quil mourroit pource
quil auoit este cause de la condēpnation de son
cōpaignon. Et a lautre dist quil mourroit pour
ce quil nauoit pas obey & mis a mort le cheual

liet dessus dict cōme il en auoit le cōmandemēt
ce qui fut faict / & non seullemēt que pour leurs
biens. Plusieurs aultres telz iuges ou puostz
on vort pour le present assez / parquoy appcet q̃
on ne doibi point faire ne cōstituer l'ong iuge q̃
soit remply de cupidite. Semblablement on ne
doibt poit auoir de gouuerneurs / maistres d'ho
stelz ne tresoriers ne recepueurs de bas lieu / et
quilz soyent pources / ne que par ce soyent enri
chiz / ne quilz montent du bas en hault / silz nes
stoient dauenture pources gentils hommes & de
bon lignaige / car ceulx la doibuent estre plus a
uancez que aultres. Et aussi se vng prince est lie
ue vng poure de basse cōdition ce ne sont apres
entre le prince & ses seigneurs & barōs que noy
ses haines & discentions. Et de telles choses on
a assez veu de pures peu de temps / dont mal en
est adueni tāt au pays que seigneurs & peuple
& a la fin telz gens enrichiz & enorgueillez estre
penduz ou decapitez pour les enormes / maulx
toirs & griefz excessifz quilz auoyent perpetrez
& commis. Et ne doibt pas le prince apres quilz
a eu vng riche officier / apres y en mettre vng
poure / car qānt le riche y est et quil est replet / il
ne luy chault plus iamis destre larrō / ne piller

ne desrober plus riē & se vng pouure y est mys
tout ce quil faict ce nest que pitié pour sentir
chir. et de ce est leu vne hystoire d'ung poure mē
dient qui estoit toul plain de playes sur lesquelles
les venoient les mouches & par force de succeſ
ser le sang desdictes ployes estoient grosses et
replettes/ aduint q par la voye ou estoit ledict
poure/ passa vng homme qui aduisa lesdictes
mouches qui estoient si plaines et enflées du
sang du poure homme/ luy esmeu de pitié & cō
passion pour cupid faire plaisir au poure mē
dient chassa lesdictes mouches/ dont le poure
fut moult courrouce/ & en increpant ledict hom
me luy dist. Helas pour quoy aues vous chasse
ses mouches qui estoient toutes replettes & ne
me foisoient plus de mal/ car au lieu dicelles en
reuiendra de pources & affamees qui boeront tout
mon sang & me feront du mal infiny/ qui est a
entendre que vng prince ne doit point mettre
gens en ses offices qui ne soient de bon lieu et
riches/ gēs afin que par leurs pource et cupi
diteles pources ne soient point greuez ne mole
stes. Car certes mon tresayme seigneur il nest
pas ne qui vous scaroit donner meilleur cōseil
ne plus profitable en ceste matiere que densui
uir la parolle de nostre seigneur & le conseil de

ietro & celle des anciens. C'est a entendre q̄ vous
eslisiez conseilliers & officiers puyssans & nota
bles des conditions dessusdictes & que sur tou
tes choses se gardent de prendre dons quelzcon
ques a cause de leurs estas et offices / & se ainsi
le faictes / ce ne sera pas vostre bien seulmēt /
mais le tres grant proffit de tous vos subiectz
et le salut de vostre ame. Et a ce propos l'en treu
ue entre les enseignemens que Aristote bailla
au ieune roy Zilepandre quant il entreprist acō
quester le mōde / luy conseilla entre aultres cho
ses qui ne haultist point ceulx q̄ par nature des
uoient estre bas. Et pour exemple luy remon
stra que le ruffel qui court par labondance de la
pluye ba plus orgueilleusement que celuy qui
vient de la fontaine & court tousiours. Et pour
ensuyuir la parolle de nostre seigneur le conseil
de ietro & la doctrine de aristote: cest grant folye
aux princes & grans seigneurs de auancer et es
difier vng homme viciex de basse condition.
Car a l'home nouuel fault trop de choses auāt
ce quil soit pareil ne semblable a ceulx des an
ciens lignaige / desquelz princes et grans sei
gneurs peuēt assez trouuer en leurs royaumes
et pays po^r eulx en faire seruir silz en vouloiet
faire diligence. Helas encores nest ce pas le fort
f.iii.

de trouuer conseilliers et officiers puissans et riches et de bōs lignages. Mais cest la maïeste de trouuer cōseilliers et officiers preudhōmes saiges esleuz en entendemēt ou en science veritables craignans dieu et heans auarice. Car gens de telz condicions selon le tēps qui regne sont cler semez et difficiles a trouuer. Deu la puissance et auctorite que a de present/ conuoytise/ rapine et corruption qui ont tel pouoit que a peine au iourdhy n'y a si baillant cheualier ne clerc tant saiche de science qui ne se vueille arder de leurs malices et engins qui est pitie/ dont plusieurs on a deu priuez de leurs offices. Si deuez sur toutes choses garder de faire chie/ efz de vostre conseil vos principaulx officiers ne prochains de vos personnes gens cōuoiteux corruptus ne flateurs comme dessus est dit. car p'suppose q'z fussent ores les plus subtilz et clerc deans qui oncques furent ou saiges cōme salomon. Si les doiuent princes eslangier a cause de ces vices. Car iose bien dire et maintenir deuant tous que princes qui se conduise nt par cōuoiteux/ rapineux/ ou flateurs sont et serōt tousiours en necessite le's pape diuisez pources et sans iustice. Car iustice et frāchise ne d'autre conuoytise ne peut demourer en vng corps ne

eulx ac corder ensēble ne q̄seu et eaue ou enco-
res mois. Si vous cōseille mon tres arme sei-
gneur pour faire iustice election de voz per-
sonnes que doresenauant vous ne prendres ne eli-
sies soiēt clers ou cheualiers q̄lz n'apēt. p̄p̄bi-
ans passes. Car quant len vient iusques a ces-
ste aage on peult clerement veoir ⁊ auoir con-
gnoissance du sens gouuernemēt et conduycte
des personnes de leurs vices ⁊ vertus. Et pour
mieulx entendre ie excuse et tiens pour vacca-
bonde l'homme a l'occasion de ieunesse iusques
a l'aage de .p̄p̄bi. as. Mais de la iusq̄s a .p̄p̄bi
ans en l'espace de ces .p. ans peult ont veoir cle-
remēt quel chemin la personne veult tenir soit
de viures en vices ou en vertus. Et dit l'vicer
au myrouer historial ou .p̄bi. chapitre du .vii.
liure que se on veult bien lyre les anciennes es-
criptures on trouuera que la chose publique a
communement este gastee et aneantie par les
ieunes gēs et restituee soutenue et gardee par
les anciens. Et ny a si malicieulx ne tant saiz
che couurit ses vices ne fainctes manieres que
en dedēs ses dix ans len ne puisse tres bien ve-
oir et scauoir ses inclinations et auoir la con-
gnoissance de la vie et estat des personnes et de
leurs meurs q̄ en vouldra enquerir a la verite.

Et si vous en trouuez de mauuais ho^s les de-
uez oster et chasser / car vous devez p^r experien-
ce que ung homme faict coupper le mēbre qui
est cause de la perdition des aultres & ainsi de-
uez faire / car vous devez q^rir & desirer le bien
commun & le profit de vostre peuple. Si devez
et non vous seul / mais tous princes faire tres-
grant diligence denquerir non pas a ung ou a
deux / mais a plusieurs des meurs et cōditiōs
de ceulx qui vous sont presente^s ou que vous
auez intention deslire ou entretenir pour con-
seilliers ou officiers principaulx et par dessus
toutes choses silz craignent dieu & silz sont rap-
son & iustice deux mesmes cōme dessus est dit
Et ceste enqueste se doit faire es lieux et plas-
ces ou les p^{er}sones ont demoure & hante a leurs
voisins ou seruiteurs a leurs cōpaignons mar-
chans ou autres qui ont eu a faire ou a beson-
gnier a eulx. Et par dessus tous aux saiges &
notables des contrees villes et pays ou ilz ont
demoure & cōuerse sans vous en arester seule-
mēt aux gēs de vostre court pour les faueurs.
ac. Et par telle enq^{er}te deuement faicte avec les
sens et entendemēt que vous pourtes trouuer
& pcevoir de faict esplōnes pources lors choysir
deslire vos principaulx cōseilliers et officiers

en qui vous pouez & deuez fier et arrester pour
la conduicte & monarchie de voz royaulmes et
seigneuries Et se ne pouez piédre la paine des
lire si grāt escoutiue que au moins elifiez deu
ment ceulx q̄ ont a cōduire la iustice. Lesquelz
conseilliers ainsi notablement esleuz deuez tāt
honorez et adiouster si grant foy & credence en
eulx que toutes requestes que vous len fera de
ce iour en auant de promotions de benefices /
doffices / graces & pardons / retenues de serui
teurs ne chose q̄ touchēt finances que auāt que
en facez responce vueillies dire aux requetās
quil vous baillent par escript leurs intencions
et les causes et moyēs pourquoy selon leur ad
uis ilz leur semble que vous dorez obtemperer
a leurs requestes. Et auant que en fachiez res
ponse deuez auoir laduis de voz cōseilliers ou
de la plus grant part diceulx. Car plus cler
voyēt comme dit est dessus plusieurs que ung
ou deux particuliers. Mais par ce que iay dit
mon intencion nest pas q̄ ie vueille de to^{us} pois
rebouter le cōseil des couuoiteux & rapineux et
q̄ pices ne sen puissent faire seruir. Car il en
est de ces conditions qui ont sens et cler enten
demēt. Mais ie les reprieue a les metre chiefz
de conseil ne dōner auctorite principales a cau

se de ces vices. Car cest vng prouerbe ancien
que tousiours rechiet le chat sur ses pies. Et
soyez certain que oncques prince ne grant sei-
gneur qui vst par conseil de preudhommes
en nombre suffisant et les voulsist ouyr auant
quil disposast de ses affaires ne feut deceu ias
soit ce que plusieurs flateurs & gens vicieux q
veulēt faire leurs besongnes a part pourroēt
dire q cest tout bien de prince qui ne vse de son
auctorite particuliere. Mais iay veu & voy en-
cores de present en plusieurs royaumes q prin-
ces voulentaires vsans de consaup a part sans
disputation ne examen de conseil notable tenu
a heures raisonnables fouruoiet souuent et a
loccasion de ce sont pources et souffraiteux & q
pis est hays en cueur de leurs subgeetz. Et cest
prouerbe ancien ou il est dit a telz princes telz
cheualiers & a tel maistre tel barlet. Pourquoy
se vous auez desir et voulente de vous mon-
trer bon & droicturier deuant dieu et le monde
metez paine dauoir officiers conseilliers & pro-
chains de vous preudhommes craignant dieu
veritables non corrupts et heās couuoitise.
Et par ce pourra vng chascun auoir congnois-
sance de la bonte qui est en vostre nobble per-
sonne.

Le cinquiesme chapistre.

Comment roys & grans seigneurs doiuent auoir grât regart sur leurs officiers & seruiteurs affin quilz ne facent chose qui soit contre raison ne au dommaige ou deshonneur deulx ne de leurs sugectz.



Di bien considere la foiblesse & fragilite de creature humaine & les assaulx que iournelement nous liure le mode lediable & la chair. Certes il est profitable a toute creature nō mye

profitable seulement / mais tres necessaire pour le salut de lame & aultremēt chacun selon son estat de viure. Cest assauoir priees soubz la creameur de dieu. Officiers: seruiteurs subgectz en la doubte & creameur des princes. Pourquoy princes sur tous aultres doiuent auoir especial regard que leurs cōseilliers & officiers ne soiēt couuoiteux ne coustumiers de prendre dons ne proffis a cause de leurs estas & offices / daultre part que de leur seigneur / si non gracieusement / cōme fruitz / vins en pos ou en flascōs et telles petites choses. Car tout preudhomme se doit tenir cōtent des gaiges aprenās de droict a son

office sans chercher autre pratiques ne prou-
feis. Et mon tresayme seigneur ie vous affer-
me tant que vous ne autres princes souffrez
que voz conseilliers officiers ou prochains de
voz personnes ayent hardement de pratiquer
ne prendre dds soubz ombre ne a cause de leurs
estats ou offices. Et aussi prendre dds est noto-
rement aller contre les commandemens que
nostre seigneur fist a moysse dont dessus ay par-
le / et iacoit ce que au iourdhy les conuoiteux
et rapineux ont les offices et auctoritez que u-
rent leurs corruptions et malices soubz om-
bre de dds ou courtosies. Helas helas telz ges-
te ressemblent au reguart qui affule chappe dher-
mite. Car verite est se nestoit a cause de leurs
auctoritez ou offices len ne leur presentroit ia
dds ne courtosies ne que aux autres. / a par-
ler selon raison il nappartient a conseilliers ne
officiers quelconque de prendre dons pour a-
uancier es offices ceulx qui le valent ne pour
faire droit et iustice. Car pour ces deux choses
faire ilz en ont leurs gaiges et emolumens pu-
bliques comme chascun scet / et par rigueur de
droict deu le serment quilz en ont faict auxen-
tees de leurs offices se sont tenuz et obligiez
de faire a Dng chascun / et puz quil ne leur ap-

pertient de prendre dons pour faire ce q̄ a leur
office appartient. Encores leur appartient mois
a faire a nultort ne supporter neant plus les ri-
ches que les pources. Et qui biē voudroit pen-
ser et estudier len trouuera que par le moyen &
pratique de ces dōs et promesses ne sen ensuyt
que toute iniustice promotions & auancemens
de personnes indignes reboutemēs de preudhō-
mes & en conclusion le tres grant dommaige et
deshonneur des princes & de la chose publique.
Pour quoy mon souuerain seigneur pour obuier
et a telz malices / a sauoir au vray lestat & gou-
uernement de vos royaumes et pays / ie vous
prie & cōseille que souuent vous transportez de
pays en aultre diligēment enquerez & deman-
der aux preudhommes des contrees tant degli-
se cheualliers q̄ aux notables des citez & de bon-
nes villes de la conduitte de vos officiers & cō-
seilliers & de leurs renommées. Et avec ce sil
ya au pays nulz gētīlz hommes bastars ou aulz
tres q̄ soubz ombre de lignaiges & de manuais
garnemens on dissimulation de vos officiers
composent ou tiennent le pource peuple en ser-
uaiges par menaces / forces ou violences. affin
de les pugnir & corriger cōme de droict, appar-
tient. Et sopes certain que deux choses entre

aultres font armer ung prince de ses subgectz
Lune quant il faict franchement garder les pri
uileges vsaiges & anciennes coustumes de ses
bonnes villes & pays ainsi que iure la a son cou
ronnement ou ioieulp aduenement sans faire
nouuelles exactions. Et lautre quāt il pugnist
rigoreusement ses officiers silz traueilllent le
peuple aultrement que de raison/ par especial
quant ilz vont cōtre les sermens quilz ont faict
aux entrees de leurs offices. ¶ Car trop des
plaist a gēs de toū estas & nō sans cause quāt on
les pourmaine & traicte p'aultre maniere q̄ len
na faict leurs predecesseurs au temps passe.

Mais mon tresme seigneur ie nentens pas q̄
de droict & de rapson vous & tous voz pices ne
soient tenuz de soustenir & garder et deffendre
vertueusement leurs officiers contre tous q̄l
conques grans quilz soyent & pugny de corps &
de cheuance tous ceulx qui cōtre la maieste roy
alle & leurs officiers voudroient entreprendre. &
que en dirays ie plus/ au regard d'officiers & ser
uiteurs a droict esleuez princes doiuent viure en
substance en pareille maniere avec eulx/ com
me bon capitaine avec la cheualerie/ & bon pe
re avec ses enfans leq̄l les chastie. Et les pour
roit guerdonner & les auācer deuāt tous aultres.

Cel siesme chapitre parle comment pri
ces pour reuerence de dieu & lamour quilz doi
uent auoir a leurs subgetz se gardent d'entre
prendre guerre contre chrestiens.



Rinces desirans dacquerir bon
ne renommee la viue et entiere
amour de leurs subgetz / et la
gloire de paradis en la fin se doi
uent garder sur toutes choses de
treprendre guerres & questions

contre chrestiens / par especial celles dont leurs
pays & subgetz pueissent estre greuez ne dom
maiges nō pas pour doubte ne cremeur de leurs
personnes ne du peril qui leur puist aduenir
par armes / mais pour la pitie & compassion
doient auoir du peuple & gens de tous estats /
lesquelz ilz doiuent aymer & destendre de tous
tes violēces & oppressions & plus tost deffaillir
se la benoit a leurs prochains de sang et de li
gnaige que a leurs loyaux et obeyssans sub
getz que dieu leurs a baillie en garde. Car il
nest amour selon le droit diuin & naturel plus
raisonnablement fondee apres celle que creatu
re doit a nostre bon redēpteur femme a mar
pere a enfant q̄de loyal subget a son seigneur.
Et rien comme chacun scet ne peut tant greuer

le peuple & gēs de tous estas que guerre la cru-
elle qui tout gaste et destruit comme on voit et
que on a veu en ce royaume et plusieurs au-
tres lieux comme vous pourrez voir et lire en
plusieurs historiographes tant des tropens co-
tintes medestrommais que aultres. Et pour
auly mauy infinitz qui procedēt de guerre na
meilleur moyē que de se gouuerner par raison
et iustice comme deff^s est dit. Car cōme nous
voyons iournelemēt la mere porter son enfāt
doulcement la laictant de ses māmelles. Sam-
blablement rayon et iustice nourrissent et en-
tretiennent paiz et concorde. Et par contraire
guerre qui tout gaste et destruit prent sa nour-
rison en troyz vices dyabolicques. Cest assa-
voir orgue il / vaine gloire / & cōuoytise. Si dor-
uent tous princes et leurs conseilliers princis-
paulx estudier et aduiser maint tour par iours
nees et ambassadez en presentāt iuges rayon-
nables ou indifferens se mestier est auant que
len ptiengne auly horribles et cruelz tourmēs
de guerre. Et se la chose est si difficile & dispo-
see a guerre tellement que vous ne voyz princis-
paulx conseilliers ne puissiez bonnemēt pour-
ueoir. Alincors q̄ les choses viengnēt si auant
que a voye de faict deuez assembler les troyz

estras de vos royaumes & pays en lieu cōuenas-
ble. Cest assauoir les seigneurs de vostre sang
gens deglises: cheualliers & nobles hōmes & les
saiges & notables de vos citez & bōnes villes en
leur remonstrant a la verite sans rien y celer
ne couvrir l'occasion dont procede l'apparence de
la question en eulx requerāt sur la foy & loyaul-
te quilz vous doiuent que surce vous veillent
loyaulment conseillier & loyallement seruir et
apder de corps & de cheuance. Et que au regard
de vous de tous poins en veille vser par leurs
aduis & conseil & vous emploier sans riēs espar-
gner ne doubter & garder vostre haultesse & hon-
neur ainsi q̄ ont faict voz nobles predecesseurs
par cy deuant. Et quilz veillent auoir especial
regard a vostre honneur & a la haultesse et rendō
mee du pays dont ilz sont & que le conseil quilz
vous voudront donner soit si bien pese & meu-
rement delibere que se soit chose honorable cō-
duisable & de duree. Et en tant quil touche la
guerre il y fault vser de bon conseil & de vieldz
cheualliers q̄ ont eu eperience & frequēte la guer-
re de long temps froutur feist vng especial li-
ure touchant cecy & entre les aultres en racom-
pteray aucuns pour vous esmouuoir vng peu
lesperit a voir hystoire anagues. Et premierez

mēt dit que Silla qui auoit a faire a achelaus
le presēt de nutridat fut au pays de capadoce
boute en vng lieu ou il ne se pouoit pas biē ap
der / et si estoit oppresse de grant multitude de
ennemys / et quāt il vit ce se conseilla a ses che
ualiers lesquelz luy conseillerēt quil feist men
tion de la paiz et quil fist tant quil eust treues
ce quil fist / et durant les treues p le bon conseil
des siens voyant le lieu perilleux ou il estoit
eschappa du pays et sen retourna sās auoir nul
mal. Les danens auoient souuent guerre aux
rommains et acorolio leur duc par plusie^rs foys
leur conseilla quilz delassassent telles guerres
ce qlz ne voulurent faire / ce neantmoins pour
ce qlz estoient en guerre cruelle fist amener de
uont luy deux chiens et les fist cōbatre ense
mble et aisi quilz se combatoyēt il fist saisir vng
loup ql auoit pourueu et tantost les chiens lais
serent leur bataille et suivirent le loup / par le
quel exemple et conseil il retrahyt son peuple
de le^r entreprise parquoy il appert que en guer
re nul prince tant soit expert ne doit riens fai
re sinon par bon conseil des routiers de guerre
et se ainsi le faict nul mal ne luy en peult adue
nir comme il appert par ses exemples et plusie
urs aultres dont lacteur frontin parle amplement

ment. Et mon tresapme seigneur oncques ne
fut deu ne trouue en liure ne hystoire qun roy
qui vbast par le conseil des princes & seigneurs
de son sang des anciēns hommes et estas de ses
pays assēblez en nombre souffisant apans fran
chise sans fabrique ne cremeur de chascun po
uoit dire franchemēt son oppinion sās aulcune
ment en estre note. Iceulx bien & deuement in
formes des affaires que densuyuit leur cōseil
fussēt blasmez ne repris presuppose q̄l en venist
aultremēt que bien. Car de rason princes ne
doiuent estre blasmez ne repris de vser p cōseil
des saiges ne par especial de ceulx q̄ les peuēt
seruir et secourir aux grans besoins. Les che
mins p len vient en guerre sont legiers a trou
uer et p est len tost venu. Mais les voyes et pl
sues par ou il en fault saillir en sont dangereu
ses et difficiles & souuent plus trenchans que
rasoit ne poiecture desguille. Helas mon sous
uerain seigneur or presupposons que par force
darmes & de iugement despee q̄ tousiours nest
pas droicturier roy ou prince par baillancē ou
cōduicte puisse venir au dessus de ses ennemyes
quant tout sera alle et passe ars et occis et tue
Et que le iour viendra quil luy fauldra respon
dre deuant dieu tant de villes & chasteaulx ars

et abatus. Et tant de manieres exactionne
et faict fouruoier le peuple que a paine de bou
che d'homme le sauroit recorder. Certes ce ne
sera pas petite chose de bien sauoit respondre
qui bien regarde les commandemens de dieu.
Mesmement que nous beons et opons iournel
lement par toute chrestiente preschier deuant
tous que se creature mouroit en pechie de lu
pore / gloutonie / ou paresse ou en aucun pechie
mortel ou comme homicide sans de ces choses
en faire deuote cōfession vraie repantance ou
suffisance satisfacion q telz gens sont en boye
de dampnation. Hee beau dieu tout puissāt se
la chose est si estroicte & perilleuse cōme ilz pres
chent: laquelle nous deuons croire fermement
quel iugement dont selon sens humain peult at
tendre empereurs / roys / ducs / & grans seignrs
qui sāt cause des cruaultez cy dessus declarees
de ses choses ne sont deuement faictes & iuste &
droicturiere querelle. Certes il fault bien que
la querelle soit moult iuste bien fōdee endroit
et plaisāt a dieu qui pouoit satisfaire & respon
dre a tant de cruaultez qui se commettent par
le percite de guerre ainsi que len en vse de pre
sent en la chrestiete. Mais nonobstant tous pe
rilz. Mon chier seigneur ie ne veil pas soustenir

que par orgueil ou denegatiō de iustice aucun
prince ou communaultez de bonnes villes pro
chaines de vos royaumes vos subgectz ou au
tres veillēt voulentairement porter guerre sās
vouloir entēdre ne entrer en voye de iustice ne
comparoir deuant iuge competēt que en ce cas
eu l'aduis et conseil des estas de voz pays selon
dieu & rason vous et tous princes ne dōyez pui
sāment & fieremēt resister garder vostre hault
tesse et hōneur de ffēdre & secourir a lespee vos
bons & obeissant subgectz. Car prince & bonne
et iuste q̄relle ne doit riēs cremir ne doubter / &
se a guerre fault venir vous et tous princes la
deuez cōduyre & excecuter si vertueusement &
par si bonne maniere que la victoire en soit vo
stre & tellement q̄l en soit memoire a tousiours
et monstret a lespee que vous estes prince et
cheualier contendās de garder vostre droict ac
querir honneur et bonne renommee. Et mon
chier seigneur si aduenoit a l'occasion d'vostre
ieunesse et haultain couraige et de la puissan
ce ou vous vous trouuez de present tant en gēs
cōme en finances vous venoit couraige et vou
lente de vous esprouuer en l'exercite d'armes
et que repos de paix vous enuoyast. En ce cas
ie vous conseille sur toutes choses que vostre

entreprinse et exerce. De tous poins veilles
trouuer & appliquer sur sarrazins ennemis de
nostre foy chrestienne ou vous pourres monstres
vostre baillieue acquerir honneur & faire le salut
de vostre ame sans toutesuoyes par ce moyen
destruire ne deper vos subiectz. Mais ecores
a telz entreprinse de y auoir grāt aduis par es
pecial des anciens saiges et baillans. Car ce
nest pas le fort dencōmēcier. Mais cest la mai
strie de bien & vertueusement conduire & con
tinuer ses entreprinse. Car maintesfoys est
aduenu que legieres armees sur les ennemis
de la foy ont plus porte de dommaige & preiudi
ce aux chrestiens cent foys que aux sarrazins.
De la conduicte de guerre soit contre chrestiens
ou sarrazins ne cōment vous vo⁹ y deuez auoir
et maintenir me de porte de present den plus a
uāt parler. Mais pour rigle generale se a guer
re conuient venir / ie vous conseille sur toutes
choses que vous y foyez larges aspres & diligēs
et tant hastes vos ennemis q^lz n'ayent pas loy
sir de vous presenter la victoire.

Cōment roys & princes doiuent diligem
ment entendre a la conduicte & gouuerne
ment de leurs finances.

Le. Vii. chapitre de ce liure.



Qui congnoist la haultesse & magnificence qui appartient aux princes doit scauoir que a la conduite de leur estat appartient moult grâs finâces. Pourquoy princes apres dieu seruy et iustice maintenue nont a faire choses plus necessaires que d'entendre diligemmēt a la conduyte de leur despence & au fait de leurs finances et les proportionner & departir par si bōne & raisonnable maniere quilz puissent viure du leur et de leurs anciennes demaines. Car cest mal desunon mpe. Mais tresmal quāt princes ou grans seigneurs a loccasion de leurs plaisâces et legieres entreprinſes ou ſoptueux estias folz dons ou enrichir leurs mignons vendent/donnent/engagent/leurs tenemens/rentes/& reuenues ou a loccasion de ce prennent tailles apdes ou exactionons sur le poure peuple q̄ dieu leur a baillie en garde/lesquelz selon dieu & raison ne doiuent exactionner ne traueillier si non pour leur propre deffice ou leur euident prouffit seullemēt comme dit est ou pour l'aliance ou mariage de leurs enfans. Et pour entēdre ilz sont deux manieres plesquelz princes peuent venir a tresor. L'une est de se cōduyre par rigle
g.iiii.

les assembler par tous moyens que malicieux
sauront ou pourront aduiser soit par tailles ap
des toulieux & subuentions/empirance de mo
noyez & toutes aultres nouuelletez sans auoir
regard dōt il vient ne ou il est prins/pitie ne cō
passion de nul. Bien est vray que plusieurs gēs
faillent plus par couuoitise que par folle larges
se. Et touteffoys il n'est riens plus mal sceant
a vng prince que estre cōuoiteux/car les aultres
vices ne m'ysent pas tant au peuple et auy sub
gectz que l'auarice du prince/lequel doit estre
contre lestomac qui distribue a tous les aultres
membres la viande quil recoyt & ne retiēt pour
luy sinon tāt seulement sa nourriture. Et quāt
il faict autrement/cest assauoir quant il retiēt
la viande oultre sa necessite/adont il deuient mal
ladieux par repletion et faict l'homme deuenir
p'dropeque & lors lestomac s'enfie & tous les aul
tres membres deuiennent grefles et chetifz et
tout ce mal luy aduiert pource quil ne distribue
la viande receue. Semblablement j'est du prince
couuoiteux lequel faict la paix perir & les mē
bres aneantir quant il ne distribue les biens
quil recoit a ceulx qui en ont souffrete ou neces
site/mais ie croy que le temps est venu que les
princes sont grādement couuoiteux. Et resem

ble au castor lequel destruit l'homme du tout quant
il prent guerre a luy comme dist Solin⁹ en son
troiesime liure au trentecinquesme chapitre
Semblablement font ceulx qui desertent leurs
subgectz par auarice en assemblant grans tres
sors par mauuais conquest. Je suis moult esba
hy pourquoy vng homme destruit l'autre / deu
que les bestes dune condition & dune espeece ne
mengent point l'une l'autre comme ditt Aristo
te en son sisiesme liure des bestes / & qui pl^s est
les bestes sont de l'homme piteuses. Et a ce pro
pos nous lisons es histoires romaines q^d deux
loups nourrissent vng enfant dict romulus leq^l
estoit donne aux bestes pour deuorer / mais
apres il fust roy & feist faire & edifier romme p
plussorte raison vng homme doit estre piteux
& courtoys de son seblable & ne doit pas le prin
ce ses subgectz desertter / mais doit prendre exe
ple a Tiberius / duquel nous lisons es cronis
ques coment ses officiers luy cōseilloient quil
ordonnast subsides & tribuz sur le peuple. Leq^l
respondist que bon pasteurs ne doit point ses
brebis deuorer / mais les doit nourrir & garder
Le prince doit estre comme le chef leq^l doit
tous les membres adresser : & non pas les biens
de ses subgectz conuoitier. Et nest riens au mo

De a Sng prince plus conuenable que liberalite
par laquelle il peult amys auoir ⁊ conquerir / cō
me dit le saige en ses prouerbes au disneufies
chapitre. Mais mon chier seigneur quelq chose
que flateurs ne couuoiteux purissent dire ou al
leguer / que ia finances ne tresors ne amassies
par telz boyes tyranniques ne prinse sans iu
ste cause au desplaisir de leurs subgectz / que lē
ne fera ia chose qui viengne a bonne conclusiō
Et ien appelle a tesmoing la sainte escriptu
qui dist que ia la tierce ligne ne iorra des biens
mal acquestes. Pourquoy princes chrestiens et
leurs cōseilliers principaux silz craingnēt dieu
doiuent aduiser maint tour ⁊ delaisier de leurs
plaisances / estas / folz dons ⁊ legieres entrepris
ses auant ce que a loccasion de telz banitez prē
gnent la cheuance de leurs subgectz. Car dons
et estas de princes font a recommander q a cha
cun font bien ⁊ a nul dommaige. La quelle cho
se se faict quant ilz tiennent estas ⁊ font dons se
lon la grandeur de leurs rentes / reuenues ⁊ an
ciennes demaines ou a la quantite de leur tres
sor tellement que a loccasion de telz choses bo
luntaires ilz nen delassent a faire ce ou ilz sōt
obligiez ⁊ tenus par droict ⁊ raison. Mais iose
bien maintenir deuant tous que dons et estas

font a blasmer par le moyen de quoy il cōuient
princes prengnent lauoir de leurs subgectz ou
facēt tort a aultruy /ou quilz en delaissent a fai
re oeuvre de charite. L'entretènement de leurs
souldoyers forteresses & chasteaux ou payer les
gaiges de leurs seruiteurs domestiques et des
bons marchâs ou aultres! ausquelz ilz sont obli
bligiez par leurs lettres ou parolles. Or consi
derons dune part les biens qui sensuyuent quāt
Vng prince gouuerne bien ses finances et'est
garny de tresor. Premieremēt il en est mieulx
craint & doubte de ses ennemis et craint on da
uoit guerre ne question a luy /et chascun desire
son aliance. Secondement il treuve legieremēt
gens pour le seruir soit en guerre ou aultremēt
a finances sil en auoit a faire sans despens /es
marchōs & toutes manieres de gens en ont pl⁹
voulentiers a faire & a besongner a luy et en a
meilleur marche. Et sa richesse luy donne cau
se de non traueillier ses subgectz ne a cause de
finances riens faire dont sa conscience puiſte es
tre chargiee. Et par contraire regardons les
meschiesz qui auient quant pices qui ont
grans seigneurs & cheualliers tres mal se gou
uernent mal en leurs finances ilz sont mains
craintz & doubtez des princes voisins & barons

et puissans hommes de leurs pays et pareilles
mēt des communaultez de leurs bonnes villes
conduyre a l'auenant des finances. Cest a en-
tendre la despēce ordinaire les habillemēs che-
uauly et harnoyz appartenans aux corps dons
de charite et daumosnes et dons liberaux qui
appartiēnent a la haultesse de son estat ⁊ a l'en-
tretienement des nobles hommes de ses royaul-
mes et ce quil fault en ambassades ⁊ messages
dont len ne pouoit passer pour conduicte de sei-
gneurie refections de sortereffes et doctelz ⁊ ce
qui appartient pour auoir le deduit des chiens
et doyseaux. Et que les aduis et ordonnances
faictes et aduisees par deliberation de conseil
soyent si bien gardees ⁊ tenues que en ce n'ayt
aucune interruptiō ne deffaille. Car il n'ya pas
si grāt maistrise a ordonner loiz et constitutiōs
prouffitables quil fault de vertu ⁊ de puissance
ce a les bien garder ⁊ entretenir. Et ia richesses
se ne bon gouuernemēt ne sera trouue en court
ne hoſel de roy ne de prince sil ne garde estrop-
ctement les rigles et ordonnances par luy fais-
tes tant en iustice/en armes q en son gouuern-
nemēt et retenue dofficiers. Mais mon tresap-
me seigneur a loccasion de cest esparaing dont
dessus est pſer iē nentens pas que a ceste cause

dorez deuenir cōuoiteux ne applicquet vostre
cueur a finances/mais en vser en pareille ma
niere & non aultremēt que vous & tous saiges
pices deuez faire de artilleries ou habillemēs
de guerre pour de tout ce bo^d en & nen receuuet
pas si bien gens de guerre ales seruir marchās
et toutes gens qui ont finances et ioyaulx les
furent et eslongent & pourete les amaine a tail
lier/sourmener/& exactioner leur peuple. Et
souueet effors a loccasion de pourete & de souf
frete corrompent iustice & commettent euures
de tyrāt dont ilz sont hays de dieu et du peuple
et en acquerāt mauuaise renommee et qui puy
est quant vient en la fin de leurs iours presup
pose quilz eussent repētance & voulēte de resti
tuer leurs tois fais et de faire adng chascū rap
son ille^z est comme impossible & ceste douloureu
se tribulation finent leurs iours. Et pour ven
ir a bon gouuernement ie fais mon cōpte par
maniere de pemple que vng price ayt chascun
an de nette reuenue rabatu tout ce que selō rap
son fait a deduyre cēt mille escus frās deniers
de ceste somme pour pourueoit aux affaires q̄
aux princes peuent hastiuement suruenir il en
doit reseruer & mettre a part la ciquiesme par
tie par maniere de tresor. Et residu que mon

teront ses receptes ordonner son estat. Car cest
tout gaste quant on met lestat deuant la recepte
Mais len doit selon la grandeur des finances
ordonner lestat a faire les retenues a regarder
que toutes choses soyent si raisonnablement p
portionnees a departies par si bon cōseil de gēs
en ce cōgnoissans que les choses se purtent lar
gement / a que oncques filz de roy neut poures
te a plusieurs choses a enfans. Mais a telz ma
nieres de gēsie respons que prince cremāt dieu
ne veult viure que du sien &c. Et quāt a auoir
grant nombre de gens pūe qui se faict aymer
a se gouuerne par rason a iustice est tousiours
bien accompaigne ou quil soit sans ses despēs
Car il ne va quelque part en ses pays / que to
ne soyent ses subgetz appareilliez de le seruir
ec obeyr. Mais quant tout est dict pices a grās
seigneurs sont a louer a a aymer quant ilz gou
uernent bien leurs finances tellemēt quilz soy
ent tenuz pour eschars ne couuoiteux / ne daul
tre part aussi trop oultraigeux ne habandonnez.

CLe huitiesme chapistre.

CLe huitiesme chapitre parle de lordre
a estat de cheuallerie a cōmēt on le doit sauoir



Un souverain seigneur pour
ce que aux empereurs roys et
princes appartient la conduites
te de cheuallerie il conuient se
lon raison quilz soyēt informez
de ce que a cest noble ordre ap/
partient. Et des que ie nomme ordre le nō des/
claire assez son expositiō. Cest a entendre que
ceulx qui sont de cest estat doiuent viure par rie/
gle ⁊ ordonnance plus que aultres personnes/
Vray est quant princes empirent pmiers lau/
torite de gouverner le peuple des lors encom/
mēca la fundation ⁊ proaidiez saucuns hastifz
affaires vous suruenoyent. Et a se gouverner
par ceste maniere ou en substance vous ⁊ tous
princes deuendries riches au deuant et garniz
de tresors/et pourres espargnier voz subgectz
pour vous en ayder saucuns grans ⁊ pesans af/
faires vous suruenoiēt. Car cōme autressors
ay dict il est plus noble tresor a prince q̄ dauoir
riches subgectz ⁊ sen faire armer. Car prince
arme de ses subgectz ne sera pas a son besoing
secouru de tresor seulement/mais de ceur ⁊ de
corps ⁊ de tout ce que dieu leur a preste. Et en
tesmoignage de ce ien allegue vng mettre que
feist Cathon ou il met. Cilz doit estre sires.

clamez qui de ses homes est aymez il n'est pas
fires de son pays q de ses homes est hays. Cer
tes cilz est bien abusez q croit que pices ne aul
tres puriffet estre aymez de leurs subgectz a pre
dre le leur oultre leur gre par espectral quant ilz
deoiēt que cest chose folement despēdue ⁊ mal
employee. Et se ilz mōstrent semblāt d' amour
elle n'est que en la lāgue ⁊ es peulx. Mais la hai
ne ⁊ mal veillāce leur en demeure au cueur ⁊ est
le cheual au blanc piet q fault a son maistre au
besoig. Je ne mes pas en doubte plusieurs q or
gueilleux ⁊ flateurs diroient moult de choses
contre cest aduis en allegant que cest tout rien
de prince sil ne tient grant estat et dōne motion
de cheuallerie. Et pour en parler au bray / che
uallerie ou cheuallier est chose si necessaire ⁊ an
nepee a lestat des princes que ie ne le scauroye
mieulx ne plus entendement comparer q bras
et mains sont necessaires au corps de creature
Car comme bras ⁊ mains se meuent a layde
⁊ commandement du corps. Semblablement le
cheuallier doit estre prest ⁊ obeyssant aux prin
ces ⁊ a leurs commandemens sans doubter pes
r il ne de mort / effusion de sang / ne espargner
corps ne membres ne cheuance a leurs ayder a
soustenir leglise. Justice ⁊ gouverner le peuple

Et doit le sçauoir que prince sanscheualle-
rie na puissance ne pouoit ne que corps humain
sans ayde de bras ou de mains. Et cheuallerie
sans prince ou capitaine nont puissance ne ver-
tu. Pourquoy princes doiuent armer leurs che-
ualliers & les cheualliers leur prince. Comme
le corps ses membres / & les membres le corps.
Ordre de cheuallier qui bien le veult entendre
est si noble en soit que sil falloit eslire seigneur
ou prince pou^r gouverner & maintenir vne regioⁿ
len ne pourroit mieulx choisir ne eslire entre
tous autres estas q^{ue} au nombre des cheualliers.

Et pour parler de lencommencement
de cheuallerie len treuve au tēps anci-
en que le peuple estoit tressimple et
ignorant et nauoient point de subtilite / engin
ne maniere que len a de present. Touteuoyes
ilz nestoient pas si debonnaire ne patiens que
diuisions & guerres ne se meussent souuent en
plusieurs cōtrees les vnes regioⁿs cōtre les aut-
res comme on peult veoir es hystoires. Et en
ce tēps fust pour assaillir ou deffendre tous ceulx
qui pouoient porter armes vielz & ieunes se me-
stroient es batailles / & le^u sembloit selon droit
que nul ne deuoit estre excuse a la protection &
deffence de son pays. Mais les princes & ceulx

qui lors auoient la conduitte et commandemēt
sur le peuple considerent a perchurent par expe
riēce que ce nestoit que cōfusion de mener tout
vng peuple es batailles. Car ilz veoient sou
uent aduenir par le moyen de trop anciens ou
ieunes par foiblesse de corps leurs venoit vice
paour de quoy les batailles se mettoiēt en desat
roy & aucunes fois en fuite. Si aduiserent que
plus proffitables & seure chose seroit que len ne
menast pas si grant nombre des genses batail
les pour le proffit de la chose publicque. Mais q
len elisist les plus fors & habilles compaignons
de bon corsage & de age competent & qui p ap
parence auroient couraige & hardiemēt ausqz
on monsteroit & apprendroit la maniere de por
ter armes & de combattre. Et que plus hault
ient de telz gens ainsi esleuz & choisir dix mil
le que cinquante milles daultres / & ainsi le fi
rent cōme len treuve en moult de hystoires espe
cialement en celles des rommains. Et a ce fu
rent meuz pour deux considerations. Lune que
ceulx qui seroient esleuz pour la guerre & tēps
pendant les aultres entendoient au seruice de
dieu de q viennent les victoires. Et le surplus
du menu peuple aux labours & cures domesti
ques qui ne doiuent cesser. La seconde cause q

faisoit mains de viures & de finances a soustenir & entretenir le petit nommbre que le grant. Et leur sçella de faict q̄ en ceste compaignie de gens esleuz auoit plus grant seurete & apparence de victoire que en la confusion du grant nombre. Et par dessus ceste election generale en firent encores vne autre particuliere plus especiale. Car ilz choisirent au membre des premiers esleuz vne quantite des plus preux baillifs & sages & des meilleurs lignaiges pour conduire & gouverner les autres. Et selō leur vertu & valleur leur bailla charge. Et furent ces seconds esleuz nommez cheualliers.



Ciacort que par si deuāt soit diuersc question dont procede le non de cheuallier nomme miles en latin qui pouoit sembler vng esleu entre mille / ou pour cōduire / mener mille hommes de soubz luy. Et aucuns autres nomment cheuallier centurion qui anciennement auoit la charge de cent hommes & autres maintiennent que ce non procede de ceulx qui p̄miers furent ordōnez a faire les batailles

h.ii.

de cheual. Et cōment quil doise du non ne dōt
il procede Verite est que cheualiers doiuent es-
tres personnes esteues entre to^r aultres pour
conduire les fais des guerres ⁊ des batailles ⁊
soustenir leglise ⁊ iustice ⁊ la chose publique.
Et par dessus toutes ces ordonnances encores
par les princes du temps de lors fut aduise par
grāt deliberation que entre le nombre des che-
ualiers aisi esleuz en y auroit q̄ par grāt excel-
lence de Vertu sens et baillance esquelz len se
pourroit confier enbng grāt affaire leueroient
enseignes que de present len nomme banieres
Soubz lesq̄tes enseignes auroit certain nom-
bre de cheualiers ⁊ combatans pour acompai-
gnier lesdictes banieres Et ceste chose sembla
aux princes et a la cheualerie du temps de lors
chose tresprouffit able pour ce quil est de neces-
site aucunesfoys en lepercite d guerre de se de-
partir en plusieurs parties. Et dautre part sa-
bla que les cheualiers et ieunes compaignons
esleuz pour la guerre seroyēt par ce moyen mi-
eulx tenuz en ordonnāce ⁊ discipline soubz les
cappitaines ordonnes a porter lesdictes banie-
res ⁊ enseignes que aultremēt. Mais il fut des-
fendu que nulz ne fust si hardy de leuer banie-
res ne enseignes se ce nestoit par lordonnance

des prices et encores se deuroit aissi faire se les
choses se conduisoient par rayson. En ce temps
ceulx q furent ordonnez a porter enseignes les
firent paindre & figurer chascun a son plaisir de
diuerses couleurs. Et pareillement firent les
cheualiers en leurs escus Car en ce temps la
mure & deffence le plus estoit descu. Et la cau
se pourquoy les banieres & escus que de presēt
selon l'usage commun sont nommez armes ou
blasons y eut deux raysons / l'une generale & lau
tre espediale. La generale fut / que belle chose
est a veoir apres la resplendisseur du fer & de la
chair la richesse & beaulte des couleurs dont les
Enseignes / banieres : escus ou cottes d'armes
sont faictes & paincturees & beau parement en
bataille paour & espouementement aux ennemis
La secōde en particulier fut afin que len peust
auoir congnoissance de ceulx qui faisoient en ar
mes aucune baillance digne de recommanda
tion. Car anciennement quant ilz faisoient au
cune excellent baillace en armes ilz en estoient
tres honnores & en receuoient riche guerdon com
me len peut veoir es hystoires. Pourquoy les
cheualiers desiroient dauoir enseignes afin de
estre veuz et congnez entre les autres.

En ce temps les princes donnerēt
et departirēt aux cheualiers terres
et tenemens chascun selon sa balleur
que de presēt len nomme fiefz. Des
quelz fiefz et de la maniere comment
ilz ont estes donnez pouoit len veoir es liures
des loiz. Mais les causes principales pourquoy
les terres fiefz et seignuries furent donnees aux
banieres et cheualiers en y a deux. L'une pour
les guerdoner des bons et notables sermices qz
auoient fais et faisoient iournellement en ar
mes se que en leur vieillesse ilz peussent auoir
de quoy viure et soustenir leurs estas. Car du
rant leur ieunesse nauoient apais science ne au
tre mestier si non pourseuuir le exercite d'ar
mes qui est chose perilleuse come ung chascun
scet. Et lautre affin que les ieunes et puissans
de corps eussent pouoir deulx entretenir prestz
et garniz de cheualx et d'armes quant mestier
seroit. Et selon les tenemens departis et donnez
pour les causes dessusdictes par continuation
et loigneur de temps les armes et blasors espe
ciallement es grans teneimens sont demourez
aux seigneuries dont encōres de present ceulx
qui en sont seigneurs ou detenteurs en portēt
les noms armes et enseignes. Et ou temps q

cheualerie florissoit en Vertu ceulx qui lors por-
toient armes ou enseignes a toutes lesquelles
eulx ou leurs predecesseurs auoient conqueste
et acquis par Vertu de corps renommee digne
de memoire quant ilz Vouloient affermer po-
uerite aucunes grans choses. Le promettoient
sur la foy qui deuoiet a dieu ⁊ en tesmoignage
de ce mettoient en empaincture de cire la facon
de leurs armes et leur nom que de present sen-
nomme seel. Laquelle leur foy et seelle ilz sou-
loiet tenir et garder francemēt ⁊ autant doub-
ter l'infraction de ce que le peril de leurs ames
prediction de corps de honneurs et de biens ap-
ans regardau peril de pariure de la foy de dieu
et aussi au reproche dauoir deffaillie ou tesmoy-
gne de leurs nom et armes. Soubz lesquelles
ilz attendoient iournellement aux commande-
menes de leur prince victoire ou la mort. Cheua-
lier a droit esleu doit estre de tresnoble et fran-
ce condition. Laquelle francise est de grant ex-
cellence et recommandation qui bien la scet con-
duire comme dessus est touchie. Et a en par-
ler selō nostre langue la personne France en soy
ne pouoit souffrir nendueer aucun seruage.
Et selon la parolle de plusieurs philosophes
qui disent / ilz sont deux manieres de scerfs

Cest assauior les bngs p nature & les aultres
par la loy. Et pour entendre les serfs ou serf p
nature sont ceulx en qui de ffault sens/bonte &
raison/& telz gens doiuent estre gouuernez par
raison & conduis par les saiges vertueulx apu
dès. Et ceste chose se pouoit prouuer par lame
qui doit de raison gouuerner le corps/la quel
le est perpetuelle cōme chascun scet. Et le corps
viciueux & perissable doit obeyr a lame. Et ain
si quant les choses sont selon raisō vertu doit
proceder & auoir auctorite & pouoir sur les vices
Et les serfs ou serf par la loy sont ceulx q sont
 prins & vaincuz es batailles/car les vingueurs
poient tenir ceulx qui auoiēt par eulx estes vai
cuz en perpetuelle seruitude. Pourquoy ie dis
que francise de sa condition craint & hait serui
tude/honte & vergōgne/couardise/lachete de
corps & toutes reproches & p especial de estre serf
selon la loy. Car noble cheualier doit pl^{us} voul
loir estre destrenchie ou souffrir mort que par la
lachete de corps son prince ou pays recouue hon
te deshonneur ne destruction/ne que sa person
ne diue entreproche de mauuaise renommee ne
aussy au seruaige de son ennemy. Encores frā
cise de sa condition est large & liberalle et aime
honneur. Et par dessus toutes choses hait or

gueilleux/felôs/couuoiteux/et flateurs/et ne pouoit endurer ne souffrir leurs cōduites/malices ne sainte manieres. Mais de sa nature elle espargne les foibles pources et petis et en a pitié et arme la chose publique. Et a loccasion de frâcise/cheualliers a cause de leur ordre sont tenuz a leur pouoir de garder dames veufues corphelins les petis pources et innocens de louttrage force et violence des fors cruelz et malicieux comme dessus est dict. Verite est que lordre de cheuallerie a este mieulx entēdue et mise en ordonnance depuys laduenemēt de nostre seigneur Ihesucrist que par auant. Car nostre bon createur en remonstrant et preschant la foy/dōna entre aultres grant louenge au cheuallier cēturiō quāt il dist quil auoit trouue plus de foy en luy que en tous ceulx de israel/ comme len treuue en leuangille. Et il nen monstra pas moins quant il voulut q ioseph darimathie eut la grace de le desclauer de la croix et poser sō precieus corps en son sepulchre ou de son humilite vouloir reposer. Lequel ioseph selon lopinion des docteurs estoit de lordre et compagnie des cheualliers. Et apres que la sainte chrestiete est creue et eparcee/les princes de long temps ont garde grant solennitez et serimonies a dōner or

dre & cheuallerie / & du temps de lors iusques a
present len en a vse en la chrestiente en trois ma
nieres. La premiere quant empereurs et roys te
noient solennelles festes comme a leurs coura
nemens ou solennites pareilles les ieunes ba
cheliets de bon lignage habiles de corps q len
nomme de present escuyers venoient requerre
et demander aux princes lordre de cheuallerie.
La seconde que plusieurs aultres par licence de
nostre saint pere le pape & de leur prince tēpor
tel sont alez en la terre sainte pour ouurir le sa
inct sepulchre & illec par grāt deuotion ont pris
ordre de cheuallerie. Et la terre que es guerres
fut sarrafins / mescreans nostre foy ou apparēs
perilz des batailles mortelles ou cruelz assaulx
de villes / chasteaux / ou citez cōfians en la gra
ce de dieu & en la diligēce de leurs corps en espe
rance a ce iour dacquerir honneur & bone rend
mee ont a telz grans besoings et perilz requer
rit ordre de cheuallerie / esperans que par icelle
leur force & vertu croistroit. Et de toutes ces
trois manieres nra celle q bien ne face a louer
mais ce cest ordre estoit garde & maintenant cō
me de droit appartient. Les princes deuoiēt es
tablir & ordonner que auant que len donnast or
dre de cheuallerie a nul q les ieunes escuyers

fussent par auant bien & deuement informez et
instruits de ce que a cheualierie appartient. Et
ainsi se souloit faire anciennement. Mais de
de present len faict a cheualliers ceulx qui le re
quierent sans les informer ne instruire de ce q
au dict ordre appartient. Car de droict nul ny
deuroit estre receu se premier nen auoit licence
des princes. Lesqz pour rien ne deuroient souf
frir quelle fust aux personnes non habiles & in
dignes de sy noble estat. Car ilz denroient con
siderer que cheualliers säs leurs mēbres a la p
de quoy ilz deffendent & maintiennēt la loy de
dieu leglise & iustice.



S pour ces raisons ne de buroit
cheuallier estre sil nauoit corps
lignaige meins & cōditions des
sus declarees. & que de leur ver
tu hardiement & baillance durāt
le temps quilz sont escuyers en
apparat aux pices par le rapport de. vi. ou de
viii. cheualliers ou escuyers notables. Car pl⁹
de proffit & honneur seroit en vng royaulme dy
trouuer deulx ou troys cēs cheualliers baillās
de grant auctorite pourueuz de richesses a sou
stenir leurs estat bien esleuez que sept ou huyt
cens daultres. **C** Car deulx ou troys cens

cheualiers: & de bōnes meurs peuuēt endoctri
ner nourrir et conduire tresgrant quantite de
baillās escuyers & hardis compaignons par la
doctrine desquelz se delaisseroiēt moult de des
risions et cruaultez en quoy se nourrissent au
iourdhy les ieunes escuyers et compaignons
de guerre par deffaulte de ce quilz nont chastyon
ne doctrine sur ne sont tenuz en la cremeur et
discipline que a tel estat appartient. Car par le
moyen de doctrine et denseignement quel chose
se est noblesse & que a estat de cheualerie appar
tient les ieunes escuyers mettroyent peine de
estre baillāns & dacquerir bonne renommee: afin
fin que par ce moyen ilz peussent venir a lestat
et honneur de cheualerie. Desquelz cheualiers
ainsi notablement esleuz les princes deuoyent
moult exaulcer / armer: croyre & hōnorer deuant
tous autres.



Et pour desclairer en effect lordre
de cheualerie et la comprendre en
briefues parolles. Cheualier doit
estre faict par main de cheualier &
par espee. Et pour entēdre lexxposition & signi
ficatiō de lespée. Elle a croix et en la semelle
deux trenchās. La croix signifie que cheualier
doibt auoir ferme foy & creance en iesuchrist &

en son esglise chrestienne. Et par lung des tren/ chans despee soustenir et de ffeindre la foy ⁊ eglise. Et plautre maintenir iustice par le moyen de quoy le pource peuple est deffendu et garde comme dessus est dit.



Cheualier tant quil ayt puissance de corps doit incessamment poursuiuit ⁊ seployer enleperte darmes contendant par ce moyen de paruenir a la braye perfection dhonneur. Laquelle

nulz ne pouoit acquerir sans vertu. Et a ce propos len treuve anciennement au tēps que romme seignourissoit presque sur tout le monde a uoit a romme deux tēples lung nomme le temple dhonneur ⁊ lautre le temple de vertu/ mais le temple dhonneur estoit edifie ⁊ assis entelle maniere que nul ny pouoit étre que premiers ne passast par le temple de vertu. pourquoy len doit scauoir ⁊ entēdre que nul de quelque estat quil soit sans vertu ne pouoit paruenir a honneur.



Cheualier doit estre par dessus tout autres hommes estre veritable/ large et liberal sans couuortise ne rapine/ desordonnee tousiours garny darmes che

uaultz sergens et habilles compaignons neces-
saires a son estat. Il se doit garder de pureté et
de gloutounie / et diure de sa bouche par telle as-
trempance et continence que a le percite d'armes
appartient / A fin que lenle treuve habille de
corps et tout delibere de plus Vouloit recevoir
mort que d commettre lachete ou couardise. Il
doibt ouyr messe tous les iours se bonnement
le peult faire. Et par especial sans faillir le dy-
menche et offrir son corps a lesglise et autel de
dieu. Et se doibt couerter en lieux dissolus ne
de hanter mechante compaignie. Mais se lenir
honorablement vestir centre ses habillemens
auoir sainture et esperons d'ores en signifi-
ce de son trespelement estat. Len treuve que an-
ciennement quant len faisoit cheualiers nou-
ueau pen teps de paiz a ce faire y auoit moult
de solemnitez et serimonies. En France une ma-
niere / en allemagne / espaigne / angleterre / yta-
lie et aultres. Mais difference y a de lune region
de lautre si men deporter pour briefuete den pl⁹
auant parler pour la longueur de la matiere.



Entreue en aucunes croniques
de la conqueste de la sainte terre q
feist le baillant chrestien godeffroy
de buillon que entre les autres eut

Un cheualier francoys nomme huc de tabarie
qui en son temps fut prince de galilee. Or ad-
uint un iour que une entreprise se fist sur les
sarrazins par les chrestiens. Mais il pleut a no-
stre seigneur q chrestiens furent desconfitz par
les ennemis de la foy. A laquelle course fut pris
le prince de galilee qui par son droict nom estoit
nomme huc de tabarie Le q fut amene deuant
le roy saladin souldan de babilonne qui bien
le connoissoit. Lequel luy dist. Hues vous es-
tes prins. Et il respondit ce poise moy droict a
uez. Car mourir vous feray. Sire dist huc ie
voudroie plus raencon a moy possible q mou-
rir se vostre plaisir estoit. Et lors le souldan luy
dist que me veulx tu donner. Et le prince res-
pondit demandes que vous voulez auoir. Et
le souldan dist ie veil auoir de toy cent mille be-
sans. Sire ceste raencon est trop grãde a moy
impossible de payer / Vous le payerez bien dist
le souldan. Car vous estes bon cheualier a har-
dy / et les preux a vaillans hommes vous don-
tent assez. Sire puz que le me conseilliez a ie
le vous promes a payer. Mais sur quoy le me
croires vous. Et le souldan luy respōdit sur ta
loy ie le croyray un an. Et se dedās lan le me
raportes ie te iure p mon grāt dieu maison que

ie te tauray quitte / & si non retourne a moy en
tel estat cōme tu es de present ie te recepueray
mon prisonnier. Sire en la confidēce de vostre
noble parolle ie le vous promes sur ma loy. Or
me donnez cōduyt cōme a cheualier prisonnier
appartient. Boulentiers dist le roy. Mais auāt
que vous partiez ie veil parler a vous en ceste
chambre. Et quāt il y vint le prince luy deman
da. Sire que vous plaist. Hue dist le roy ie veil
que me monstriez la maniere cōment len faict
cheualliers en la chrestietē. Sire sur qui le mon
stray. A moy mesmes dist le souldan. A donc
dist le prince ia dieu ne plaise que ie me messa
ce tant que de mettre si noble chose comme or
dre de cheualterie en tel corps comme le vostre.
Pourquoy dist le souldan / pource que vous es
tres nud & viz du sacrement de baptesme et de
sainte foy chrestienne. Hue dist le roy vous es
tes mon prisonnier / si ne poues me faire dacō
plir mon cōmandemēt. Et ia ne trouueres hōe
en vostre loy q̄ vo' en doye blasmer ne repredre
Sire puy s̄q̄ le me conseillez ie le feray. Et in
continent feist ordonner ce quil conuenoit fai
re a cheualier nouuel. Son chief & sa barbe luy
feist rete & appareillier plus bel quil nestoit de
uant. Apres le feist entrer en ung baing et luy

dist. Cilz baings vous donnēt a entendre que
vo? deuez estres aussi nes et aussy môdes que
ly enfans ist des sains fons de baptesme inno-
cent sans peche ne mauuaise intēcion. Et lors
le roy luy dist. Hues cilz cômecemēs est beaulx
et biē me plaist. Apres ce baing le fist couchier
en vng riche lict a luy dist. Sire ce lict vous dā
ne a entendre lhonneur a le repos perpetuel que
vous deuez acquerir deuāt lordre de vostre che-
ualerie par vos bonnes oeures. Et apres ce
quil eut vng peu ieu le fist leuer et le vestir de
blans draps linges. Lesqz vous donnent a en-
tēdre le grant nettete a purete de corps q vous
deues auoir. Apres le vesty de robe vermeille
et luy dist. Sire ceste robe de vermeille signifie
le sang que vous deuez espendre pour dieu ser-
uir et a epaucier sa sainte loy a deffēdre legliz
se chrestienne. Apres luy chaussa vne chausses
brunes de soye a luy dist. Sire ces chausses si-
gnifient que vous estes composez de terre a
terre deuez retourner a souuēt pēser a la mort.
Apres le dressa tout droit a le saint dune saint-
ture a luy dist. Ceste blāche sainture vous don-
ne a entendre la chaste et nettete de corps a de
nombuil que cheualier doit auoir. Car moult
doit souffrir a endurer paines de temptations

auant quil peche vilainement de son corps. Apres luy chaussa esperons d'ores et luy dist. Sire ces esperons vous donnēt a entendre que aussi vistes et entalentes que vous voulles q̄ vostre cheual soit a la semonce de vos esperons. Ain si deuez vous estre prest a garder les cōmandemens de dieu et le deuotement seruir. Apres il luy saint vne espee et luy dist. Sire ceste vous donne a entēdre et doit asseurer contre les tēptations du dyable et par les trenchans dicelle deuez garder droicteure et iustice le poure contre le riche et le foible contre le fort. Apres luy mist vne blanche hune sur le chief et luy dist. Sire ceste hune signifie que vous deuez vos principales pensees et ymaginations employer a dieu seruir. Affin de luy rendre vostre ame pure et nette ainsi quil la vous a prestee Apres luy dist. Sire encores ya il aultre chose que ie ne vous donneray pas. Cest lacolee. Pourquoi dist le souldan. Pource quelle ramaine a memoire le nom de ce luy q̄ luy donne lordre. Et cheualier ne doit faire faulte ne vilannie pour doubte de mort ne de prison. Et se iela vous donnoye ien seroye reprochiez par toute chrestiente. Si mē vueilles tenir pour excuser. Mais sire tāt vo⁹ de quatre taches generales doit auoir bon che

ualier. La premiere il ne doit estre en place ou
faux iugement soit donne ne trayson pour parler
Et sil ne la pouoit destourner quil sen parle.
Et ne doit estre en lieu ou dame ne damoisel
le soit diffamee ne mal conseillie a son pouoir.
Cheualier doit faire abstinence & especial-
ment ieuner le vendredi en la remembrance de
la piteuse passion que ihesu crist souffrit en tel
iour sil ne laisse par maladie ou enfermete de
corps ou pour liberacion compaignie / & se par cõ-
paignie lenfrait amender le doit en aultre biẽ
faict. Messe doit oyr & offrir son corps a laustel
dieu. Et apres ces parolles le souldan le prinst
par la main & le mena en sa tente ainsi cõme
il estoit atournez ou il y auoit plus de cinquante
amiraulx. Le souldan lassist q moult & beaulx
hommes. Et le prince huc se voullut asseoir a
ses pies. Mais le roy luy dist / la ne seres vous
pas. Mais le feist seoir en hault & luy dist / huc
Se aucun poins neis doresnavant se faict des
voz gens & des nostres et aucuns y soit prins q
vous aymes benez la iambe droicte sur le col
de vostre palestoy & ie vous le rendray. Et en-
cores de grace ie vous donne presentement. p.
de vos cõpaignons prisoniers faictes les quer-
re & ie les vous feray deliurer. Sire grãt mercy

Dr me donne congie ⁊ conduicte pour men al-
ler. Mais il me souuiēt quāt par vous fut mys
a finance que vous me deistes que tous preus
dhommes me feroient ayde a ma rancon. Et
il me semble que a plus preudhomme ne bail-
lant de vous ne pourroye encommēcer. Dr me
faictes aucun don. Et le souldā luy dist. Hues
vous commenciez bien. Et ie vous dōne cin-
quante mille besans. Sire grant mercyz. Lors
le roy se leua ⁊ le prit par la main ⁊ le mena de-
uant les admiraulx ⁊ luy mesmes prioit pour
luy Lesquelz tāt luy dōnerēt quil eut .x. mille
besans par dessus sa rancon. Et adont dist au
roy. Sire or me donnez congie pour retourner
en la chrestiente. Et le souldā luy dist. Pas
ne le feray tant que seriez paye entieremēt du
don qui vous est faict. Et hues luy respondit.
Sire ie men deporteray bien. Mais le roy iura
quil nen quittera ia besant. Ains les presteray
de mon tresor ⁊ les reprendray a ceulx qui pro-
mis les vous ont. ¶ Et incontinent appela
son maistre chambellan qui son tresor gardoit
et luy commanda quil baillast au prince Hues
de tabarie les dix mille besans / qui incontē-
nent luy furent deliurez. Et depuys seiourna.
viii. iours avec le roy solladin. Et durātce tēps.

moult demanda et enquist des prisonniers qui
voulentiers les leust rachetez de besans quil auo
oit du remanant de son don. Mais le souldan
iura le grant dieu quil nen deliuroit plus pour
cest fors. Et quant le prince ce oy il ne le vou
lut plus le traueillier de requestes / ains prinst
congie du souldan en luy priât quil luy baillast
conduit ce que le roy feist voulentiers. Et feist
armer .xx. de ses sarrazins & tant cheuaucherēt
qu'ilz les mirent en seurte. Et en ceste manie
re sen repaira en la chrestiente hies de tabarie
prince de galilee a tout les prisonniers et le tresor
que le souldan luy auoit dōne. Le quel tresor in
continent departit a ses pources cheualliers qui
grant mestier en auoient. Si doit bien ceste his
toire estre ramentue deuant princes & cheual
liers. Car noble chose est & grant recomman
dation destre bien renommee. Car sil aduient que
prince ou bon cheuallier chiet en main de preu
s homme plus legiere en est sa rancon. Et ainsi
en aduint au noble prince de tabarie seigneur de
galilee.

CHAP. S.

Ceste fine leliure Intitule L'instruction
d'ung ieune Prince pour se bien gouverner en
uers dieux le mode. Et contient huit chapitres
Et sur chascun chapitre y a exēple honnestes & p
fitable a tous ieunes princes & aultres qui ap
ment dieu.

Imprime a Paris par Michel le Noir
libraire iure de l'uniuersite de paris le. xxvi. ior
du moys de ianvier. Mil. cinqcens dixsept. Et
luy a donne le Roy priuilege de troyz ans a cō
pter du iour qu'il est imprime que nul aultre ne
le peut imprimer ne faire imprimer ne vendre
durāt lesditz troyz ans aultre q̄ ledict le Noir/
ou de plus sur grosses peines/cōmēt il est plus
aplain desclairer en la deuytiesme page de ce p̄
sent liure.



